

全唐詩



全唐詩目 第六函

第七冊

盧仝 三卷

李賀 五卷

劉叉 一卷



全唐詩

盧仝

盧仝范陽人隱少室山自號玉川子徵諫議不起韓愈為河南令愛其詩厚禮之後因宿王涯第罹甘露之禍詩三卷

月蝕詩

新天子即位五年歲次庚寅斗柄插子律調黃鐘森森萬木夜殭立寒氣聶屬頑無風爛銀盤從海底出出來照我草屋東天色紺滑凝不流冰光交貫寒腫臃初疑白蓮花浮出龍王宮八月十五夜比並不可雙此時怪事發有物吞食來輪如壯士斧斫壞桂似雪山風拉摧

百鍊鏡照見膽平地理寒灰火龍珠飛出腦却入蚌蛤
胎摧環破璧眼看盡當天一搭如煤熒磨蹤滅跡須臾
間便似萬古不可開不料至神物有此大狼狽星如撒
沙出爭頭事光大奴婢炷暗燈揜為意切葵如玳瑁今夜吐
燄長如虹孔隙千道射戶外玉川子涕泗下中庭獨自
行念此日月者太陰太陽精皇天要識物日月乃化生
走天汲汲勞四體與天作眼行光明此眼不自保天公
行道何由行吾見陰陽家有說望日蝕月月光滅朔月
掩日日光缺兩眼不相攻此說吾不容又孔子師老子
云五色令人目盲吾恐天似人好色即則一作喪明幸且非
春時一作晴萬物不嬌榮青山破瓦色綠水冰崢嶸花枯無

女艷鳥死沈歌聲頑冬何所好偏使一目盲傳聞古老
說蝕月蝦蟆墓精徑圓千里入汝腹汝此癡骸一作阿誰一作
生可從海窟來便解緣青冥恐是睚眦間揜一作塞所化
成黃帝有目帝舜重瞳明二帝懸四目四海生光輝
吾不遇二帝滉漭不可知何故瞳子上坐受蟲欺長
嗟白兔搗靈藥恰似有意防姦非藥成滿臼不中度委
任白兔夫何爲憶昔堯爲天十日燒九州金爍水銀流
玉燭音炒丹砂焦六合烘爲窯音遙堯心增百憂帝見堯心
憂勃然發怒決洪流立擬沃殺九日妖天高日走沃不
及但見萬國赤子皦皦生魚頭此時九御導九日爭持
節幡麾幢旒駕車六九五十四頭蛟螭虬掣電九火轉

汝若餒開齶一作齶齶一作齶輪御轡執索相爬鈎推蕩轟會一作湯入

汝喉紅鱗燄鳥燒口快翎鬣倒側聲酸鄒撐腸拄肚一作石

傀一作如山丘自可飽死更不偷不獨填飢坑亦解堯心

憂恨汝時一本無時字當食藏一作埋頭撒腦不甯食不當食張脣

哆齧食不休食天之眼養逆命安得上一作天帝請汝劉鳴

呼人養虎被虎齧天媚慕被慕瞎一作天昏暮得瞽疾乃知

恩非類一一自作孽吾見患眼人必索良工訣想天不

異人愛眼固應一安得常娥氏來習扁鵲術手操春喉

戈去此睛上物其初一作初既猶朦朧既久如一作似抹漆但恐功

業成便此不吐出玉川子又涕泗下心禱再拜額榻一作踟

砂土中地上蟣虱臣全告愬帝天皇臣心有鐵一寸可

剗妖慕癡腸上天不為臣立梯磴臣血肉身無由飛上

天揚天光封詞付與小心一作先封辭颺一作排闥闔入

紫宮密邇玉几前擘坼奏上臣仝頑愚胸敢死橫干天

代天謀其長一作致外橫東方蒼龍角插戟尾捍風當心

開明堂統領三百六十鱗蟲坐理一作東方宮月蝕不救

援安用東方龍南方火鳥赤潑血項長尾短飛跋躩一作

頭戴井一作丹冠高達枿月蝕鳥宮十三度鳥為居停主人

不覺察貪向何人家行赤口毒舌毒蟲頭上喫却月不

啄殺虛貶鬼眼明突竈一作鳥罪不可雪西方攫虎立踦

踦音斧為牙鑿為齒偷犧牲食封豕大墓一鬱固當軟

美見似不見是何道理爪牙根天不念天天若准擬錯

准擬北方寒龜被地縛藏頭入殼如入獄地筋束緊束

破殼寒龜夏龜一種味且當以其肉充醢死殼沒信處

一作且當醢其肉唯堪支林脚不堪一作鑽灼與天
一本有卜歲

星主福德官爵奉董秦忍使黔婁生覆尸無衣巾天失

眼不弔歲星胡其佞熒惑矍鑠翁執法大不中月明無

罪過不糾蝕月蟲年年十月朝太微支盧請罰何災凶

土星與土性相背反養福德生禍害到人頭上死破敗

今夜月蝕安可會太白真將軍怒激鋒銑生恒州陣斬

擲定進項骨脛甚春蔓菁天唯兩眼失一眼將軍何處

行天兵辰星任廷尉天律自主持人命在盆底固應樂

見天盲時天若不肯信試喚臯陶鬼一問一如今日三

台文昌宮作上天

一作天

紀綱環天二十八宿

一本無宿字

磊磊尚

書郎整頓排班行劔握他人將一四太陽側一四天市

傍操斧伐大匠兩手不怕傷弧矢引滿反射人天狼呀

啄明煌煌癡牛與騃女不肖勤農桑徒勞含淫思旦夕

遙相望畫尤簸旗毒日朔始搥天鼓鳴璫琅枉矢能蛇

行眊目森森張天狗下舐地血流何滂滂譎險萬萬黨

架構何可當眯目豐成就害我光明王請留北斗一星

相北極

一作請留北

指麾萬國懸中央此外盡掃

一作拂除堆

積

一作砂積

如山岡贖我父母光當時常星沒

一作星

雨如迸

一作垢

漿似天會事發叱喝誅奸強何故中道廢自遺今日殃

善善又惡惡郭公所以亡願天神聖心無信他人忠玉

川子詞訖風色緊格格近月黑暗邊有似動劔戟須臾
 癡墓精兩吻自决坵初露半箇壁漸吐滿輪魄眾星盡
 原赦一墓獨誅磔腹肚忽脫落依舊挂穹碧光彩未蘇
 來慘澹一片白奈何萬里光受此吞吐厄再得見天眼
 感荷天地力或問玉川子孔子修春秋二百四十年月
 蝕盡不收今子咄咄詞頗一作固合孔意不玉川子笑荅或
 請聽逗留孔子父母魯諱魯不諱周書外書大惡故月
 蝕不見收予命唐天口食唐土唐禮過三唐樂過五小
 猶不說大不可數災沴無有小大瘡安得一本無得字引衰周
 研覈其一本無其字可否日分晝月分夜辨寒暑一主刑二主
 德政乃舉孰為人面上一目偏可去願天完兩日照下

萬方土萬古更不替萬萬古更不替照萬古

哭玉碑子

山有洞左頰拾得玉碑子其長一丈周尺其闊一藥七顏
色九秋天稜角四面起輕敲吐寒流清悲動神鬼稽首
置手中只似一片水至文反無文上帝應有以予疑仙
石靈願以仙人比心期香湯洗歸送籙堂裏頗奈窮相
驢行動如跛鼈十里五里行百蹶復千蹶顏子不少天
玉碑中路折橫文尋龜兆直理任瓦裂劈竹不可合破
環永離別向人如有情似痛滴無血勘鬪平地上罅坼
多齧缺百見百傷心不堪再提挈怪哉堅貞姿忽脆不
堅固矧曰人間人安能保常度敢問生物成敗爲有真

素爲稟靈異氣不得受穢污驢罪真不厚驢生亦錯誤
更將前前行復恐山神怒白雲菊閉嶺高松吟古墓置
此忍其傷驅驢下山路一作去

觀放魚歌

常州賢刺史從諫議大夫除天地好生物刺史性與天
地俱見山客狎魚鳥坐山客北亭湖命舟人駕舫子漾
漾菰蒲酒興引行處正見漁人魚刺史密會山客意復
念網羅嬰無辜忽脫身上殷緋袍盡買罟獲盡有無鰻
鱸鮓鱧鱠涎惡最頑愚鱗魴見豳風質幹稍高流時白
噴雪鯽鯉齋此輩肥脆爲絕尤老鯉變化頗神異三十
六鱗如抹朱水苞弘窟有蛟鼉餌非龍餌唯無鱸叢雜

百千頭性命懸須臾天心應刺史刺史盡活諸一一投
深泉跳脫不復拘得水競騰突動作詭怪殊或透藻而
出或破浪而趨或掉尾子子或奮鬣愉愉或如鶯擲梭
一本缺此三字或如虵銜珠四散漸不見島嶼徒縈紆瀾鴈鷓鷯
鳧喜觀爭叫呼小蝦亦相慶繞岸搖其鬚乃知貪生不
獨頑癡夫可憐百千命幾為中腸殖若養聖賢真大烹
龍髓敢惜乎苦痛如今人盡是魚食魚族類恣飲噉強
力無親疏明明刺史心不欲與物相欺誣岸蟲兩與命
無意殺此活彼用賊徒亦憶清江使橫遭乎余且聖神
七十鑽不及泥中鱗哀哉託非賢五臟生冤讐若當刺
史時聖物保不囚不疑且不卜二子安能諛二子儻故

諛吾知心受誅禮重一草木易卦稱中孚又曰鈞不綱
又曰遠庖厨故一作仁人用心刺史盡合符昔魯公觀棠

距箴遂被孔子貶而書今刺史好生德洽民心誰爲刺
史一褒譽刺史自上來德風如草鋪衣冠興廢禮百姓
減暴租豪猾不豪猾鰥孤不鰥孤開古孟瀆三十里四
千頃泥坑爲膏腴刺史視之總若無訟庭雀噪坐不得
湖上拔茭植芙蓉勝業莊中二桑門時時對坐談真如
因說十千天子事福力當與刺史俱天雨曼陀羅花深
沒膝四十千真珠瓔珞堆高樓此中怪特不可會但慕
刺史仁有餘刺史敕左右兼小家一本有生字奴慎勿背我沈
毒鉤念魚承奉刺史仁深僻處遠遊刺史官職小教

化未能敷第一莫近人
噤口腴第一莫出境四境
多網罟重傷刺史心
喪爾微賤軀

示添丁

春風苦不仁呼逐馬蹄行人家
慚愧瘴氣却憐我入我
憔悴骨中爲生涯數日不食強強行
何忍索我抱看滿
樹花不知四體正困憊泥人啼哭聲
呀呀忽來案上翻
墨汁塗抹詩書如老鴉
父憐母惜擱不得却生癡笑令
人嗟宿春連曉不成米日高始進一椀茶
氣力龍鍾頭
欲白憑仗添丁莫惱爺

寄男抱孫

別來三得書書道違離久書處甚麤殺
且喜見汝手殷

十七又報汝文頗新有別來纔經年囊盡未合斗當是
汝母賢日夕加訓誘尚書當畢功禮記速須剖嘍囉兒
讀書何異摧枯朽尋義低作聲便可養年壽莫學村學
生麤氣強叫吼下學偷功夫新宅鋤梨莠乘涼勸奴婢
園裏耨葱韭遠籬編榆棘近眼栽桃柳引水灌竹中蒲
池種蓮藕撈漉蛙蝓脚莫遣生科斗竹林吾最惜新筍
好看守萬籜苞龍兒攢迸溢一作溢林數吾眼恨不見心腸
痛如搗宅錢都未還債利日日厚籜龍正稱冤莫殺入
汝口丁寧囑託汝汝沾籜龍不殷十七老儒是汝父師
友傳讀有疑悞輒告諮問取兩手莫破拳一吻莫飲酒
莫學捕鳩鴿莫學打雞狗小時無大傷習性防已後頑

發苦惱人汝母必不受任汝惱弟妹任汝惱姨舅姨舅
非吾親弟妹多老醜莫惱添下郎淚子作面垢莫引添
丁郎赫赤日裏走添丁郎小小別吾來久久脯脯不得
喫兄兄莫撚搜他日吾歸來家人若彈紉一百放一下
打汝九十九

自詠三首

爲報玉川子知君未是賢低頭雖有地仰面輒無天骨
肉清成瘦萬蔓老覺羶家書與心事相伴過流年
盧子躡踵一作龍鍾也賢愚總莫驚蚊蝥當家口草石是親情
萬卷堆胸朽三光撮眼明翻悲廣成子閑氣說長生
物外無知己人間一癖王生涯身是夢耽樂酒爲鄉日

月黏髭鬚雲山鎖肺腸愚公只公是不用謾驚張

萬卷書送王儲詹事西游獻兵書

一本分作三首

美酒撥醅酌楊花飛盡時落日長安道方寸無人知篋
中制勝術氣雄屈指算半醉千般勤仰天一長歎玉匣
百鍊劔龜文又龍吼抽贈王將軍勿使虛白首

送邵兵曹歸江南

春風楊柳陌連騎醉離觴千里遠山碧一條歸路長花
開愁北渚雲去渡南湘東望濛濛處煙波是故鄉

寄外兄魏澈

何處堪惆悵情親不得親興寧樓上月辜負酒家春

喜逢鄭三遊山

相逢之處花茸茸石壁攢峰千萬重他日期君何處好
寒流石上一株松

蘇軾平卓女怨小不惟知登工今郊民也孰勸善此山

妾本懷春女春愁一作懷不自任迷魂隨鳳客嬌思入琴心

託援交情重當壚酌意深誰家有夫壻作賦得黃金

守歲二首今時人心故漫入外今慎

去年一作年去留不住年來也任他當壚一榼酒爭奈兩年何

老來經節臘樂事甚悠悠不及兒童日都盧不解愁

風春魚新月共開白夾火紅紫門山

仙宮雲箔卷露出玉簾鉤清光無所贈相憶鳳皇樓

入世借解悶

新年何事最堪悲
病客遙聽百舌兒
太歲只遊桃李徑
春風冒管歲寒枝

三月春憶酒寄劉侍郎入共百只故必融去主恩

愛酒如偷蜜
增醒似見刀
君爲麴蘖主
酒醴一作醒莫辭勞

白鷺鷥

刻成片玉白鷺鷥
欲捉纖鱗心自急
翹足沙頭不得時
傍人不知謂閑立

泉幽管風中琴
高子由墨身風
藤下瀟灑去樹
蘇門

五音六律十三徽
龍吟鶴響思庖羲
一彈流水一彈月

水月風生松樹枝
同聞其妙昧
或永發
或無畢

露林自感秋
別怨
愁
猶
公
如
惜
紅
臺
民
心
留
巫
和
雲
社

霜秋自斷魂楚調怨離分魄散瑤臺月心隨巫峽雲蛾
眉誰共畫鳳曲不同聞莫似湘妃淚斑斑點翠裙

正音六新蟬

泉溜潛幽咽琴鳴乍往還長風翦不斷還在樹枝間
對人不題楮遂良孫庭竹

負霜停雪舊根枝龍笙鳳管君莫截春風一番琴上來
搖碎金尊碧天月

曼卿訪含曦上人

三入寺曦未來轆轤無人井百尺渴心歸去生塵埃

春風百客淮南病

揚州蒸毒似燂湯客病清枯鬢欲霜且喜閉門無俗物

遍索天地間彼此最癡癡主人幸未來與君爲莫逆

石荅竹

石報孤竹君此客甚高調共我相共癡不怕主人天下
笑我非蛺蝶兒我非桃李枝不要兒女撲不要春風吹
苔蘚印我面雨露皺我皮此故不嫌我突兀蒙相知此
客即西歸我心徒依依我欲隨客去累重不解飛知弟
虛心亦待客此客何以共報之

竹請客

我本泰山阿避地到南國主人欲移家我亦要歸北上
客幸先歸願託歸飛翼唯將脩脩風累路報恩德

客謝竹

揚州駁雜地不辨龍蜃當作蜎客身正乾枯行處無膏澤

太山道不遠相庇實無力君若隨我行必有煎茶厄

游本棗石請客此陸南園主人裕評家亦要補北

啓母是諸母三十六峰是諸父知君家近父母家小人

安得不懷土憐君與我金石交君歸可得共載否小人

無以報君恩使君池亭風月古容去累重不辨飛

替蕪的客謝石靈妙弄丸此姑不說亦入夢

我有水竹莊甚近嵩之巔是君歸休處可以終天年雖

有提攜勞不憂糧食錢但恐主人心疑我相釣竿

石再請客

主人若知我應喜我結得君主人不知我我住何求于

四肢安穩一張牀

昨夜村飲一作村歸健一作連倒三四五摩挲青莓苔莫嗔一作慎我

驚著汝一作青風非夜蕭宅二三子贈答詩二十首并序

蕭才子修文行名聞將遷家于洛賣揚州宅未售

玉川子客揚州羈旅識蕭遂館蕭未售之宅既而

蕭有事于歙州玉川子欲歸洛憶蕭遂與砌下二

三子酬酢說相媿意俄而二三子有憂宅售心與

其他人手孰與洛客以蕭故亦有勉強不能逆其

情文以見意遂盡錄寄蕭天知地知非苟有所欲

二三子心遠訥君子蕭乎蕭乎君歸不得見者細
長三四片者乎客心蕭然不存

三客贈石

竹下青莎中細長三四片主人雖不歸長見主人面

石讓竹

自顧撥一作不轉何敢當主人竹弟有清風可以娛嘉賓

竹荅客

竹弟謝石兄清風非所任隨分有蕭瑟實無堅重心

石請客

竹弟雖讓客不敢當客恩自慙埋沒久滿面蒼苔痕

四客荅石

主人我在天地間自是一片物可得扛壓我使我頭不
出

客許石

石公說道理句句出凡格相知貴知心豈恨主爲客過
須歸去來旦晚上無厄主人誠賢人多應不相責

井請客

我生天地間頗是在還數已効炊爨勞我亦不願住君
有造化力在君一降顧我願拔黃泉輕舉隨君去

客謝井

改邑不改井此是井卦辭井公莫怪驚說我成慙癡我
縱有神力爭敢將公歸揚州惡百姓疑我卷地皮

馬蘭請客

蘭蘭是小草不怕郎君罵願得隨君行暫到嵩山下

客請馬蘭

嵩山未必憐蘭蘭蘭蘭已受郎君恩不須刷帚跳蹤走
只擬蘭浪出其門

蛺蝶請客

粉末爲四體春風爲生涯願得紛飛去與君爲眼花

客答蛺蝶

君是輕薄子莫窺君子腸且須看雀兒雀兒銜爾將

蝦蟇請客

凡有水竹處我曹長先行願君借我一勺水與君晝夜

歌德聲

盧仝客請蝦蟆

蝦蟆蟆叩頭莫語人聞聲揚州蝦蟆忽得便腥臊臭穢
逐我行我身化作青泥坑

五律 行舟與外卦青玉冰

巽離繼也而莫詰 人間楚蜀似難與 忽焉野野難離

容齋雜錄

煨燄 竹處我曹長 先行願君借我 勺水與

全唐詩

盧仝

龜銘

龜汝靈於人不靈於身致網於津吾靈於身不靈於人
致走於塵龜吾與汝鄰

梳銘

有髮今朝朝思理有身兮胡不如是

小婦吟

小婦欲入門隈門勾紅妝大婦出門迎正頓羅衣裳門

邊兩相見笑樂不可當夫子於傍聊一作斷腸小婦哆嗔

上高堂開玉匣取琴張陳金壘酌滿觴願言兩相樂永

與同心事我郎夫子於傍剩欲狂珠簾風度百花香翠
帳雲屏白玉牀啼鳥休啼花莫笑女英新喜得娥皇
夜半沙上行月瑩天心明沙月浩無際此中離思生上
天何寥廓下地何崢嶸吾道豈已矣爲君傾兕觥

贈徐希仁石硯別

靈山一片不靈石手斲成器心所惜鳳鳥不至池不成
蛟龍乾蟠水空滴青松火鍊翠煙凝寒竹風搖遠天碧
今日贈君離別心此中至淺造化深用之可以過珪璧
棄置還爲一片石

全書終有所思

當時我醉美人家美人顏色嬌如花今日美人棄我去

青樓珠箔天之涯天涯

一本無天
涯二字

娟娟姮娥月三五二八

一本無
八一字

盈又缺翠眉蟬鬢生別離一望不見心斷絕心

斷絕幾千里夢中醉臥巫山雲覺來淚滴湘江水湘江
兩岸花木深美人不見愁人心含愁更奏綠綺琴調高
弦絕無知音美人兮美人不知爲暮雨兮爲朝雲相思
一夜梅花發忽到窗前疑是君

登樓上女兒曲

誰家女兒樓上頭指揮婢子挂簾鉤林花撩亂心之愁
卷却羅袖彈箜篌箜篌歷亂五六弦羅袖掩面啼向天
相思弦斷情不斷落花紛紛心欲穿心欲穿憑欄干相

憶柳條綠相思錦帳寒直緣感君恩愛一迴顧使我雙
淚長珊珊我有嬌靨待君笑我有嬌蛾待君掃鶯花爛
熳君不來及至君來花已老心腸寸斷誰得知玉塔冪
歷生青草上女良曲

秋夢行陸窗前錄吳歌

客行一夜秋風起客夢南遊渡湘水湘水泠泠徹底清
一妃怨處無限情娥皇不語啓嬌靨女英目成轉心慙
長眉入鬢何連娟肌膚白玉秀且鮮襄回共詠東方日
沈吟再理南風弦聲斷續思綿綿中含幽意兩不宣殷
勤纖手驚破夢中宵寂寞心悽然心悽然腸亦絕寐不
寐兮玉枕寒夜深夜兮霜似雪鏡中不見雙翠眉臺前

空挂纖纖月纖纖月盈復缺娟娟似眉意難訣願此眉
今如此月千里萬里光不減

自君之出矣

自君之出矣壁上蜘蛛織近取見妾心夜夜無休息妾
有雙玉環寄君表相憶環是妾之心玉是君之德馳情
增悴容蓄思損精力玉簟寒悽悽延想心惻惻風含霜
月明水泛碧天色此水有盡時此情無終極

走筆謝孟諫議寄新茶

日高丈五睡正濃軍將打門驚周公口云諫議送書信
白絹斜封三道印開緘宛見諫議面手闌月團三百片
聞道新年入山裏蟄蟲驚動春風起天子須嘗陽羨茶

百草不敢先開花仁風暗結珠琲璫先春抽出黃金芽
摘鮮焙芳旋封裹至精至好且不奢至尊之餘合王公
何事便到山人家柴門反關無俗客紗帽籠頭自煎喫
碧雲引風吹不斷白花浮光凝椀面一椀喉吻潤兩椀
破孤悶三椀搜枯腸唯有文字五千卷四椀發輕汗平
生不平事盡向毛孔散五椀肌膚清六椀通仙靈七椀
喫不得也唯覺兩腋習習清風生蓬萊山在何處玉川
子乘此清風欲歸去山上羣仙司下土地位清高隔風
雨安得知百萬億蒼生命墮在巔崖受辛苦便爲諫議
問蒼生到頭還得蘇息否

蟲豸臘月皆在蟄吾獨何乃勞其形小大無由知天命
但怪守道不得寧老母妻子一揮手涕下便作千里行
自顧不及遭霜葉旦夕保得同飄零達生何足云偶然
苦樂經其身古來堯孔與桀跖善惡何補如今人

長年愛伊洛決計卜長久賒買里仁宅水竹且小有賣
宅將還資舊業苦不厚債家徵利心餓虎血染口臘風
刀刻肌遂向東南走賢哉韓員外勸我莫強取憑風謝
長者敢不愧心苟賃載得估舟估雜非吾偶壯色排榻
席別座夸羊酒落日無精光啞暝被掣肘漕石生齒牙
洗灘亂相擷奔澌嚼篙杖夾岸雪龍吼可憐聖明朝還
為喪家狗通運隔南溟債利拄北斗揚州屋舍賤還債

金月言
堪了不此宅貯書籍地濕憂蠹朽賈僕舊相識十年與
營守貧交多變態僕得君子不利命子罕言我誠孔門
醜且貴終焉圖死免慙狐首何當歸帝鄉白雲永相友
不敢唾汴水汴水入東海污泥龍王宮恐獲不敬罪不
敢蹋汴堤汴堤連秦宮蹋盡天子土餽餽無由通此言
雖太闊且是臣心腸野風結陰兵千里鳴刀槍海月護
羈魄到曉點孤光上不事天子下不識侯王夜半睡獨
覺爽氣盈心堂顏子甚年少孔聖同行藏我年過顏子
敢道不自強船人雖奴兵亦有意智長問我何所得樂
色填清揚我報果有爲孔經在衣裳

常州孟諫議座上聞韓員外職方貶國子博士

有感五首

忽見除書到韓君又學官死生縱有命人事始知難烈
火先燒玉庭蕪不養蘭山夫與刺史相對兩鬢旣

干祿無便佞宜知黜此身員郎猶小小國學大頻頻孤
宦心肝直天王苦死嗔朝廷無諫議誰是雪韓人

何事遭朝貶知何被不容不如思所自只欲涕無從爵
服何曾好荷衣已慣縫朝官莫相識歸去老巖松

力小垂垂上天高又不登致身唯一已獲罪則顏朋祿
位埋坑穽康莊壘劔稜公卿共惜取莫遣玉山崩

誰憐野田子海內一韓侯左道官雖樂剛腸得健無
功名生地獄禮教死天囚莫言耕種好須避蒺藜秋

武侯反

夏夜聞蛭蚓吟

夏夜雨欲作，傍砌蛭蚓吟。念爾無筋骨，也應天地心。汝無親朋累，汝無名利侵。孤韻似有說，哀怨何其深。泛泛輕薄子，旦夕還謳吟。肝膽異汝輩，熱血徒相侵。

揚州送伯齡過江

伯齡不厭山，山不養伯齡。松顛有樵墮，石上無禾生。不忍六尺軀，遂作東南行。諸侯盡食肉，壯氣吞八紘。不啣溜，鈍漢何由通。姓名夷齊餓，死日武王稱。聖明節義士，枉死何異鴻。毛輕努力事干謁，我心終不平。

憶金鵝山沈山人二首

君家山頭松樹風，適來入我竹林裏。一片新茶破鼻香。

請君速來助我喜莫合九轉大還丹莫讀三十六部大
洞經開來共我說真意齒下領取真長生不須服藥求
神仙神仙意智或偶然自古聖賢放入土淮南雞犬驅
上天白日上昇應不惡藥成且輒一丸藥暫時上天少
問天蛇頭蝎尾誰安著

君愛鍊藥藥欲成我愛鍊骨骨已清試自比較得仙者
也應合得天上行天門九重高崔嵬清空鑿出黃金堆
夜叉守門晝不啓夜半醮祭夜半開夜叉喜歡動關鎖
鎖聲撮地生風雷地上禽獸重血食性命血化飛黃埃
太上道君蓮花臺九門隔闕安在哉嗚呼沈君大藥成
兼須巧會鬼物情無求長生喪厥生

寄蕭二十三慶中

蕭乎蕭乎憶蕭者嵩山之盧盧揚州蕭歙州相思過春
花鬢毛生麥秋千災萬怪天南道猩猩鸚鵡皆人言山
魍吹火蟲入椀鳩鳥咒詛鮫吐涎就中南瘴欺北客憑
君數磨犀角喫我憶君心千百間千百間君何時還使
我夜夜勞魂魄

贈金鵝山人沈師魯

第二十一
句缺一字

金鵝山中客來到揚州市買藥牀頭一破顏撇然便有
上天意日月高挂玄關深金膏切淬肌骨異人皆食穀
與五味獨食太和陰陽氣浩浩流珠走百關綿綿若存
有深致種玉不耕山外非內粹鑿儒關決文泉彰風雅

因君不復墜光不外照以不磨迴避人間惡富貴三日
四日五六日盤礴化元搜萬類晝飲與酣陶天和夜話
造微精魅示我插血不死方賞我風格不肥膩肉眼
不識天上書小儒安敢窺奧祕崑崙路隔西北天三山
後浮不著地君到頭來憶我時金簡爲吾鐫一字

歎昨日三首

昨日之日不可追今日之日須臾期如此如此復如此
壯心死盡生鬢絲秋風落葉客腸斷不辦斗酒開愁眉
賢名聖行甚辛苦周公孔子徒自欺

一作骨朽名揚徒爾爲

天下薄夫苦耽酒玉川先生也耽酒薄夫有錢恣張樂
先生無錢養恬漢有錢無錢俱可憐百年驟過如流川

平生心事消散盡天上白日悠悠懸
上帝板板主何物日車劫劫西向沒自古賢聖無奈何
道行不得皆白骨白骨土化鬼入泉生人莫負平生年
何時出得禁酒國滿甕釀酒曝背眠

月蝕詩

東海出明月清明照毫髮朱弦初罷彈金兔正奇絕三
五與二八此時光滿時頗奈蝦蟆兒吞我芳桂枝我愛
明鏡潔爾乃痕翳之爾且無六翮焉得升天涯方寸有
白刃無由揚清輝如何萬里光遭爾小物欺却吐天漢
中良久素魄微日月尚如此人情良可知

直鉤吟

初歲學釣魚自謂魚易得三十持釣竿一魚釣不得人
鉤曲我鉤直哀哉我鉤又無食文王已沒不復生直鉤
之道何時行

與馬異結交詩

天地日月如等閑盧仝四十無往還唯有一片心脾骨
嶢巖率碑兀鬱律刀劔爲峰壑平地放著高如崑崙山
天不容地不受日月不敢偷照耀神農畫八卦鑿破天
心胸女媧本是伏羲婦一作女媧
伏羲妹恐天怒擣鍊五色石引
日月之針五星之縷把天補補了三日不寫歸壻家走
向日中放老鷗月裏栽桂養蝦蟆天公發怒化一作
詩龍蛇
此龍此蛇得死病神農合藥救死命天怪神農黨龍蛇

罰神農爲牛頭令載元氣車不知藥中有毒藥藥殺元
氣天不覺爾來天地不神聖日月之光無正定不知元
氣元不死忽聞空中喚馬異馬異若不是祥瑞空中敢
道不容易昨日全不全異自異是謂大全而小異今日
全自全異不異是謂全不往今異不至直當中今動天
地白玉璞裏斲出相戀心黃金鑛裏鑄出相思淚忽聞
空中崩崖倒谷聲絕勝明珠千萬斛買得西施南威一
雙婢此婢嬌饒惱殺人凝脂爲膚翡翠裙唯解畫眉朱
點脣自從獲得君敲金縱玉凌浮雲却返顧一雙婢子
何足云平生結交若少人憶君眼前如見君青雲欲開
白日沒天眼不見此奇骨此骨縱橫奇又奇千歲萬歲

枯松枝半折半殘歷山谷盤根蹙節成蛟螭忽雷霹靂
卒風暴雨撼不動欲動不動千變萬化總是鱗皴皮此
奇怪物不可欺虛全見馬異文章酌得馬異胸中事風
姿骨本恰如此是不是寄一字

夫三賦感古四首

第四首
缺七字

夫三賦感古四首

天生聖明君必資忠賢臣舜禹竭股肱共佐堯為君四
載成地理七政齊天文階下冀莢生琴上南風薰輪轉
夏殷周時復猶一人秦漢事譏巧魏晉忘機釣猜忌相
剪滅爾來迷恩親以愚保其身不覺身沈淪以智理其
國遂為國之賊苟圖容一身萬事良可惻可憐萬乘君
聰明受沈感忠良伏草莽無因施羽翼日月異又蝕天

地晦如墨既亢而後求異哉龍之德

人生何所貴所貴有終始昨日盈尺璧今朝盡瑕棄蒼

蠅點垂棘巧舌成錦綺箕子為之奴比干諫而死仲尼

魯司寇出走為去聲羣婢假如屈原醒其奈一國醉一國

醉號呶一人行清高便欲激頽波此事真徒勞上山逢

猛虎入海逢巨鼉王者苟不死腰下魚鱗乃東海波連

天三度成桑田高岸高於屋斯須變溪谷天地猶尚然

人情難久全夜半白刃讐旦來金石堅蕭綬既解圻陳

印亦棄捐竭節遇刀割輸忠遭禍纏不予衾之眼信予

衾之穿鏡明不自照膏滴徒自煎抱劍長太息淚墮秋

風前

古來不患寡所患患不均單醪投長河三軍盡沈淪今
人異古人結託唯親賓毀圻維鵲巢不行鳴鳩仁鄙悛
不識分有心占陽春鸞鶴日已疎燕雀日已親小物無
大志安測棲松筠恩眷多棄故物情尚逐新瓦礫暫拂
拭光掩連城珍屑吻恣談鑠黃金同灰塵蘇秦北遊趙
張祿西入秦既變嫂叔節仍擯華陽君萬世金石交一
餉如浮雲骨肉且不顧何況長羈貧

君莫以富貴輕忽他年少聽我暫話會稽朱太守正受
凍餓時索得人家貴傲婦讀書史未潤身負薪辛苦
胝生肘謂言琴與瑟糟糠結長久不分殺人羽翮成臨
臨冲天婦嫌醜

其奈一朝太守振羽

儀鄉關晝行衣錦衣哀哉舊婦何眉目新壻隨行向天
哭寸心金石徒爾爲杯水庭沙空自覆乃知愚婦人妬
忌陰毒心唯救眼底事不思日月深等閑取羞死豈如
甘布衾

雜興

意智未成百不解見人富貴亦心愛等閑對酒呼三達
屠羊殺牛皆自在放心爲樂笙歌攢壯氣激作風霜寒
廚中玉饌盈金盤方丈厭見嫌不餐飛鷹躍馬實快性
脣腐齒爛空噴吮豈期福極翻成禍禍成身誅家亦破
昨朝惆悵不如君今日悲君不如我否泰交加無定主
嬾學風雲戢翎羽綠酒清琴好養生出將入相無心取

三五圖書舊揣摩五千道德新規矩

酬徐公以新文見招

昨夜霜月明果有清音生便欲走相和愁聞寒玉聲

門箴

貪殘奸醜狡佞訐復身之八殺背惠恃已狎不肖妬賢
能命之四孽有是有此予敢辭無是無此予之師一日
不見予心思其人懼其人其交其難敢告于門

孟夫子生生亭賦

玉川子沿孟冬之寒流兮輟擢上登坐生亭夫子何之
兮面逐雲沒兮南行百川注海而心不寫兮落日千里
凝寒精予日衰期人生之世斯已矣爰爲今日猶猶岐

路之心生悲夫南國風濤魚龍畜伏予小子斃朴必不
能濟夫子欲嗟自慙承夫子而不失予兮傳古道甚分
明予且廣孤目遐賚一作賞于天壤兮庶得外盡萬物變化
之幽情然後慙愧而來歸兮大息吾躬于夫子之亭

不具予必思思其入蟹其入其交其繼其古于門
捐命之四藝育長育九子始精無異無此子之神人曰
貪然秋酒郊好信變良之入錄背漢對山賦不有政
門款
相齊觀其世果自音音坐賦俗去味味煖聞寒玉管

幽翁公心襟文具詩

三五圖書善識藝五千餘詩餘賦

全唐詩

盧仝

走筆追王内丘

自識夫子而便獲夫子心
夫子一啓顏義重千黃金
平原孟嘗骨已土始有夫子堪
知音忽然夫子不語帶席
帽騎驢去余對醪醕不能斟
君且來余之瞻望心悠哉
零雨其濛愁不散閑花寂寂
斑堦苔不如對此景含笑
傾金壘莫問四肢暢暫取
耆頭開弦琴待夫子
夫子來
不來

思君吟寄

生

題缺
二字

我思君兮河之孀我為河中之泉
君為河中之青天
天

青青泉泠泠泉含青天
天隔泉我思君兮心亦然
心亦然此心復在天之側
我心爲風兮浙浙君身爲
雲兮羃羃此風引此雲兮
雲不來此風此雲兮何悠
哉與我身心雙襄回

買得一片田濟源花洞前
千里石壁堦一條流泌泉
青松盤樛枝森森上插青
冥天枝上有猿宿

第七句
缺二字

空宿字下重一

字處近鶴巢清唳孤吟聲
相交月輪下射空洞響絲
篁成韻風蕭蕭我心塵外
心愛此塵外物欲結塵外
交苦無塵外骨泌

一本缺
此字泉有冰公心靜見真佛
可結塵外交

占此松與月

訓願公雪中見寄

積雪三十日車馬路不通貧病交親絕想憶唯願公春
鳩報春歸苦寒生暗風簷乳墮懸玉日脚浮輕紅梅柳
意却活園圃冰始融更候四體好方可到寺中

苦雪寄退之

第二十五句缺一字

天王二月行時令白銀作雪漫天涯山人門前徧受賜
平地一尺白玉沙雲頽月壞桂英下鶴毛風剪亂參差
山人屋中凍欲死干樹萬樹飛春花菜頭出土膠入地
山莊取粟埋却車冷絮刀生削峭骨冷齏斧破慰老牙
病妻煙眼淚滴滴飢嬰哭乳聲嗷嗷市頭博米不用物
酒店買酒不甯賒聞道西風弄劒戟長堦殺人如亂麻

天眼高開欺草芽我死未肯興歎嗟但恨口中無酒氣
劉伶見我相揄揶清風攬腸筋力絕白灰壓屋梁柱斜
聖明有道命漢可得再見朝日耶柴門沒脛晝不婦

黃昏遶樹棲寒鴉唯有河南韓縣令時時醉飽過貧家

寄贈含曦上人 第三十三句四十九句各缺一字

楞伽大師兄誇曦識道理破鑿推玄關高辯果難揣論
語老莊易搜索通神鬼起信中百門敲骨得佛髓此外
雜經律泛讀一萬紙高殿排名僧執卷坐纍纍化物自
一心三教齊發起隨鐘嚼宮商滿口文字美商賈女郎
輩不曾道生死縱遭彊禮拜雅語不露齒劈破天地來
節義可屈指季展即此僧孤立無依倚近來愛作詩新

奇頗煩委一作忽忽造古格削盡俗綺靡假如慵裹頭但

勤讀書史切磋併工夫休遠不可比憐僧無遠思信佛

殊未已貌古饒風情清論興疊疊訪余十數度相去三

五里見時心亦喜不見心亦喜見時談謔樂四座盡角

噓不見養天和無人聒人耳昨朝披雪來面色赤鞞鞞

封竈養黃金許割方寸七泥丸佛教怛化莊亦耻未

達不敢嘗孔子疑季子藥成必分余余必投泥裏不如

向陽堂撥醅泛浮蟻麴米本無憊酒成是法水行道不

見心毀譽徒云爾雪晴天氣和日光弄梅李春鳥嬌關

關春風醉旒旒道上正無塵人家有花卉高僧有拄杖

願得數觀止

聽蕭君姬人彈琴

彈琴人似膝上琴聽琴人似匣中弦二物各一處音韻
何由傳無風質氣兩相感萬般悲意方纏綿初時天山
之外飛白雪漸漸萬丈澗底生流泉風梅花落輕揚揚
十指乾淨聲涓涓昭君可惜嫁單于沙場一本缺此二字不遠只

眼前蔡琰薄命沒胡虜烏梟啾唧啼胡天關山險隔一

萬里顏色錯漠生風煙形鬼散逐五音盡雙蛾結草空

嬋娟中腹苦恨杳不極新心愁絕難復傳金尊湛湛夜

沈沈餘音疊發清聯綿主人醉盈有得色座客向隅增

內然孔子怪責顏回瑟野夫何事蕭君筵拂衣屢命請

中廢月照書窗歸獨眠

蜻蜓歌

自注黃河中蜻蜓其力小能險無弱

黃河中流日影斜水天一色無津涯處處驚波噴流飛
雪花篙工楫師力且武進寸退尺莫能度吾甚懼念汝
小蟲子造化借羽翼隨風戲中流翩然有餘力吾不如
汝無他無羽翼吾若有羽翼則上叩天關爲聖君請賢
臣布惠化于人間然後東飛浴東溟吸日精撼若木之
英紛而零使地上學仙之子得而食之皆長生不學汝
無端小蟲子葉葉水上無一事忽遭風雨水中死

出山作

出山忘掩山門路釣竿插在枯桑樹當時只有鳥窺窺
更亦無人得知處家僮若失釣魚竿定是猿猴把將去

寄崔柳州

使者立取書疊紙生百憂使君若不信他時看白頭三百六十州剋情惟柳州柳州蠻天末鄙夫嵩之幽花落隴水頭各自東西流凜凜長相逐爲謝池上鷗

贈稚禪師

春風滿禪院師獨坐南軒萬化見中盡始覺靜性尊我來契平生目擊道自存與師不動遊遊此無迹門

送好約法師歸江南

杯度度一身法度度萬民爲報江南三二日這回應見雪中人

蕭二十三赴歙州婚期二首

淮上客情殊冷落蠻方春早客何如相思莫道無來使
迴雁峯前好寄書

南方山水生時興教有新詩得寄余路帶一作到長安迢遞
急多應不逐使君書

掩關銘

蛇毒毒有形藥毒毒有名人毒毒在心對面如弟兄美
言不可聽深於千丈坑不如掩關坐幽鳥時一聲

逢病軍人

行多有病住無糧萬里還鄉未到鄉蓬鬢哀吟古城下
不堪秋氣入金瘡

山中

飢拾松花渴飲泉偶從山後到山前陽坡軟草厚如織
困與鹿麋相伴眠

除夜

衰殘歸未遂寂寞此宵情舊國餘千里新年隔數更寒
猶近北峭風漸向東生惟見長安陌晨鐘度火城
殷勤惜此夜此夜在逡巡燭盡年還別雞鳴老更新
儻方去病酒色已迎春明日持杯處誰爲最後人

全唐詩

李賀

李賀字長吉系出鄭王後七歲能辭章韓愈皇甫湜始
 聞未信過其家使賀賦詩援筆輒就自目曰高軒過二
 人大驚自是有名賀每旦日出騎弱馬從小奚奴背古
 錦囊遇所得書投囊中及暮歸足成之率為常以父名
 晉肅不肖舉進士詩尚奇詭絕去畦徑當時無能效者
 樂府數十篇雲韶諸工皆合之弦管仕為協律郎卒年
 二十七詩四卷外集一卷今編詩五卷

李憑箏篋引

吳絲蜀桐張高秋空白

一作山

疑雲頽不流江娥啼竹素女

愁李憑中國彈箜篌崑山玉碎鳳皇叫芙蓉泣露香蘭
笑十二門前融冷光二十三絲動紫皇女媧鍊石補天
處石破天驚逗秋雨夢入坤一作神山教神媪老魚跳波瘦
蛟舞吳質不眠倚桂樹露脚斜飛溼寒兔

殘絲曲

垂楊葉老鶯哺兒殘絲欲斷黃蜂歸綠鬢年少一作少年金釵
客縹粉壺中沈琥珀花臺欲暮春辭去落花起作迴颿
舞榆莢相催不知數沈郎青錢夾城路

還自會稽歌

并序

庾肩吾於梁時嘗作宮體謠引以應和皇子及國
令一作勢淪敗肩吾先潛難會稽後始還家僕意其必

士公有遺文今無得焉故作還自會稽歌以補其悲

野粉椒壁黃溼螢

一作螢

滿梁殿臺城應教人秋衾夢銅螿

吳霜點歸鬢身與塘蒲晚脈脈辭金魚羈臣守迤賤

桂茶新出城寄權璩楊敬之

士凡語辭氣雲

草暖雲昏萬里春宮花拂面送行人自言漢劔當飛去何事還車載病身

示弟

奉獻鄭昌谷山公

別弟三年後還家

一作十日

日餘醲醑今夕酒緇帙去時書

病骨猶

一作獨

能在人間底事無何須問牛馬拋擲任臬盧

竹

入水文光動抽空綠影春露華生

一作垂

筍逕苔色拂霜根

織可承香汗，栽堪釣錦鱗。
三梁曾入用，一節奉王孫。

同沈駙馬賦得御溝水

入苑白泱泱，宮人正靨黃。
遠堤龍骨冷，拂岸鴨頭香。
別館驚殘夢，停杯泛小觴。
幸因流浪處，暫得見何郎。

始爲奉禮憶昌谷山居

掃斷馬蹄痕，衙迴自閉門。
長鎗江米熟，小樹棗花春。
向壁懸如意，當簾閱角巾。
犬書曾去洛，鶴病悔遊秦。
土甌封茶葉，山盃鎖竹根。
不知船上月，誰擢滿溪雲。

七夕

別浦今朝暗，羅帷午夜愁。
鵲辭穿線月，花入曝衣樓。
天上分金鏡，人間望玉鉤。
錢塘蘇小小，更一作值一年秋。

過華清宮

春月夜啼鴉宮簾隔御花雲生朱絡暗石斷紫錢斜玉
梳盛殘露銀燈點舊紗蜀王無近信泉上有芹芽

送沈亞之歌

并序

文人沈亞之元和七年以書不中第返歸于吳江
吾悲其行無錢酒以勞又感沈之勤請乃歌一解
以勞之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齊栽如梵夾
雄光寶礦獻春卿煙底暮波乘一葉春卿拾材白日下
擲置黃金解龍馬攜笈歸江一作家重入門勞勞誰是憐君

者吾聞壯夫重心骨古人三走無權粹請君待旦事長
鞭他日還轅及秋律

詠懷二首

長卿懷茂陵綠草垂石井彈琴看文君春風吹鬢影梁
王與武帝棄之如斷梗惟留一簡書金泥泰山頂

日夕著

一作看

書罷驚霜落素絲鏡中聊自笑詎是南山期

頭上無幅巾苦蘘已染衣不見清溪魚飲水得自

一作相

宜

追和柳惲

汀洲白蘋草柳惲乘馬歸江頭

一作櫓

樹香岸上蝴蝶飛

酒盃箬葉露玉軫蜀桐虛朱樓通水陌沙暖一雙魚

春坊正字劔子歌

先輩匣中三尺水曾入吳潭斬龍子隙月斜明刮露寒
練帶平鋪吹不起蛟胎皮老蒺藜刺鷓鴣淬花白鷗尾
直是荆軻一片心莫教照見春坊字授絲團金懸麗鞞
神光欲截藍田玉提出西方白帝驚嗷嗷鬼母秋郊哭
貴公子夜闌曲

裏裏沈水煙烏啼夜闌景曲沼芙蓉波腰圍白玉冷

雁門太守行

幽閑鼓吹云賀以詩歌謁韓愈時愈送客歸極困解帶讀之首篇乃雁門太守行即東帶見之

黑雲壓城城欲摧甲光向日一作月金鱗開角聲滿天秋色

裏塞上

一作土

燕脂凝夜紫半卷紅旗臨易水霜重鼓寒聲

一作聲

不起報君黃金臺上意提攜玉龍爲君死

大堤曲

妾家住橫塘紅紗滿桂香青雲教綰頭上髻明月與作
耳邊璫蓮風起江畔春大堤上留北人郎食鯉魚尾妾
食猩猩脣莫指襄陽道綠浦歸帆少今日菖蒲花明朝
楓樹老

蜀國弦

楓香晚花靜錦水南山影驚石墜猿哀竹一作行雲愁半嶺

涼月生秋浦玉沙粼粼一作鱗光誰家紅淚客不忍過瞿塘

蘇小小墓一作歌

幽蘭露如啼眼無物結同心煙花不堪剪草如茵松如

蓋風爲裳水爲珮油壁車夕一作久相待冷翠燭勞光彩西

陵下風吹雨

夢天

老兔寒蟾泣天色雲樓半開壁斜白玉輪
軋露溼團光鸞珮相逢桂香陌黃塵清水三
山下更變千年如走馬遙望齊州九點煙一
泓海水杯中瀉

唐兒歌

杜鵑公之子

頭玉澆澆看刷翠杜郎生得真男子骨重神寒天廟器
一雙瞳人剪秋水竹馬梢梢搖綠尾銀鸞睽音光踏半
臂東家嬌娘求對值濃笑畫一作書空作唐字眼大心雄知
所以莫忘作歌人姓李

綠章封事

為吳道士夜離作

青霓一作扣額呼宮神鴻龍玉狗開天門石榴花發滿溪

津溪一作漢女洗花染白雲綠章封事詔元父六街馬蹄浩

無主虛空風氣不清冷短衣小冠作塵土金家香街同巷

千輪鳴楊雄秋室無俗聲願攜漢戟招書鬼休令恨骨

填蒿里

河南府試十二月樂詞并閏月

正月

上樓迎春新春歸一作正月上樓迎暗黃著柳宮漏遲薄薄

淡靄弄野姿寒綠幽風一作生短絲錦牀曉臥玉肌冷露

臉未開對朝暝官街柳帶不堪折早晚菖蒲勝縮結

二月

二月一本無飲酒採桑津宜男草生蘭笑人蒲如交劍一作

風如薰勞勞胡一作鶯燕怨酣春薇帳逗煙生綠塵一作香霧昏金

翹蛾一作髻愁暮雲沓颯起舞真珠裙津頭送別唱流水

酒客背寒南山死

三月

東方風來滿眼春花城柳暗一作禁愁殺一作幾人複宮深殿竹

風起新翠舞衿淨一作襟靜如水光風轉蕙百餘里暖霧驅雲

撲天地軍裝宮妓掃蛾淺搖搖錦旗夾城暖曲水漂香

去不歸梨花落盡成秋一作愁苑

四月

曉涼暮涼樹如蓋千山濃綠生雲外依微香雨青氛氳

一作過清氛膩葉蟠花照曲門金塘閑水搖碧漪老景沈重一作帖

無驚飛墮紅殘萼暗參差

五月

雕玉押簾額

一作

輕縠籠虛門井汲鉛華水扇織鴛鴦紋

一作

迴雪舞涼殿甘露洗空綠羅袖

一作

從徇

一作

翔香汗沾

寶粟

六月

裁生羅伐湘竹帔

一本無帔字

拂疎霜篔簹秋玉炎炎紅鏡東方

開暈如車輪上裴回啾啾赤帝騎龍來

七月

星依雲渚冷露滴盤中圓好花生木末衰蕙愁空

一作

園

夜天如玉砌池葉極青錢僅厭舞衫薄稍知花篔簹寒曉

風何拂拂北斗光闌干

八月

嬾一作官

妾怨夜長獨客夢歸家傍簷蟲緝

一作緝

絲向壁燈垂

花簾外月光吐簾內

一作中

樹影斜悠悠飛露安點綴池中

荷

九月

離宮散螢

一作雲

天似水竹黃池冷芙蓉死月綴金鋪光脈

脈涼苑虛庭空澹白露

一作霜

花飛飛風草草翠錦爛斑滿

層道雞人罷唱曉瓏璵鴉啼金井下疎桐

十月

玉壺銀箭稍難傾缸花夜笑凝幽明碎霜斜舞上羅幕

燭龍兩行照飛閣珠帷怨臥不成眠
金鳳刺音威衣著體寒長看對月鬪鸞環

十一月

宮城團迴凜嚴光白天碎碎墮瓊芳
搥鍾高飲千日酒却天一作疑寒作君壽
御溝泉一作合如環素火井溫泉一作在何處

十二月

日脚淡光紅灑灑薄霜不銷桂枝下
依稀和氣排一作嚴已就長日辭長夜

閏月

帝重光年一作重時七十二候迴環推天官
玉琯灰剩飛

今歲何長來歲遲王母移桃獻天子羲氏和氏迂龍轡

天上謠

天河夜轉漂迴星銀浦流雲學水聲玉宮桂樹花未落
仙妾採香垂珮纓秦妃卷簾北窗曉窗前植桐青鳳小
王子吹笙鸞管長呼龍耕煙種瑤草粉霞紅綬藕絲裙
青洲步拾蘭苕春東指羲和能走馬海塵新生石山下

浩歌

南風吹山作平地帝遣天吳移海水玉母桃花千遍紅
彭祖巫咸幾回死青毛驄馬參差錢嬌春楊柳含細煙
箏人勸我金屈卮神血未凝身問誰不須浪飲一作亂舞丁都
護世上英雄本無主買絲繡作平原君有酒惟澆趙州

土漏催水咽玉蟾蜍衛娘髮薄不勝梳看一作羞見秋眉換

新一作深綠二十男兒那刺促秋良問誰不食泉一作下

秋來何取春手與悲冬羞發秋春悲秋合時

桐風驚心壯士苦衰燈絡緯啼寒素誰看青簡一編書

不遣花蟲粉空蠹思牽今夜腸應直雨冷香魂弔書客

秋墳鬼唱鮑家詩恨血千年土中碧

帝子歌

洞庭明月一作帝子一千里涼風雁啼天在水九節菖蒲石上

死湘神彈琴迎帝子山頭老桂吹古香雌龍怨吟寒水

光沙浦走魚白石郎閑取真珠擲龍堂

秦王飲酒

秦王騎虎遊八極，劍光照空天。自碧羲和敲日玻璃聲，
劫灰飛盡古今平。龍頭瀉酒邀酒星，金槽琵琶夜枒枒。
洞庭雨脚來吹笙，酒酣喝月使倒行。銀雲櫛櫛瑤殿明，
宮門掌事報一更。花樓玉鳳聲嬌獯，海綃紅文香淺清。
黃鸞跌舞千年觥，仙人燭樹蠟煙輕。清琴醉眼淚泓泓。

洛姝真珠

真珠小娘下清一作青廊，洛苑香風飛綽綽。寒鬢斜釵玉燕
光，高樓唱月敲懸璫。蘭風桂露灑幽翠，紅弦裏雲咽深
思。花袍白馬不歸來，濃蛾疊柳香脣醉。金鸞屏風蜀山
夢，鸞裾鳳帶行煙重。八驄籠冕臉差移，日絲繁散曛羅
洞。市南曲陌無秋涼，楚腰衛鬢四時芳。玉喉窸窸排空

光牽雲曳雪留陸郎

李夫人歌

一本無歌字

紫皇宮殿重重開夫人飛入瓊瑤臺綠香繡帳何時歇

青雲無光宮水咽翻聯

一作翻

桂花墜秋月孤鸞驚啼商絲

發紅壁闌珊懸珮璫歌臺小妓

一作拍

遙相望玉蟾滴水雞

人唱露華蘭葉參差光

走馬引

我有辭鄉劍玉鋒堪截雲襄陽

一作長安

走馬客

一作使

意氣自生

春朝嫌劍花

一作光

淨暮嫌劍光冷能持劍向人不解持照

身

一作解持照身影

湘妃

筠竹千年老不死長伴秦一作神娥蓋湘水蠻娘吟弄滿寒

空九山靜綠淚花紅離鸞別鳳煙梧中巫雲蜀雨遙相

通幽愁秋氣上青楓一作清峰涼夜波間吟古龍

南園十三首

花枝草蔓眼中開小白長紅越女腮可憐日暮媽香落

嫁與春風不用媒

宮北田塍曉氣酣黃桑飲露窳宮簾長腰健婦偷攀折

將餒吳王八蠶蠶

竹裏綠絲挑網車青蟬獨噪日光斜桃膠迎夏香琥珀

自課越傭能種瓜

三十未有一作滿二十餘白日長飢小甲蔬橋頭長老相哀

念因遺戎韜一卷書白日尋廬小甲燕辭憑尋安臥

男兒何不帶吳鉤一作橫收取關山五十州請君暫上凌煙

閣若箇書生萬戶侯

尋章摘句老雕蟲曉月當簾挂玉弓不見年年遼海上

文章何處哭秋風

長卿牢落悲空舍曼倩詼諧取自容見買若耶溪水劍

明朝歸去事猿公

春水初生乳燕飛黃蜂小尾撲花歸窗含遠色通書幌

魚擁香鉤近石磯

泉沙奕臥鴛鴦暖曲岸迴篙舫艫遲瀉酒木欄椒葉蓋

病容扶起種菱絲

邊讓今朝憶蔡邕無心栽曲臥春風舍南有竹堪書字
老去溪頭作釣翁

長巒谷口倚嵇家白晝千峰老翠華自履藤鞋收石蜜

手牽苔絮長蕤花元年八月詔宮官牽車西取漢孝武

松溪黑水新龍卵桂洞生硝舊馬牙誰遣一作爲虞卿栽

道帔輕綃一作延染朝霞王孫守長吉遂作金銅仙人辭

小樹開朝迳長葺溼夜煙柳花驚雪浦麥雨漲溪田古

剝疎鐘度遙嵐破月懸沙頭敲石火燒竹照漁船秋香

三十六宮土花碧魏官牽車指千里東關酸風射眸子

閣若簡書生萬戶侯

條如發更豈賦婚日懸心匪茹以火熱林無魚讓海上

小樹閑臨登身并至交歟咻并驚雲雷麥雨新窠田古

前地難滌一室榮時霜詠諧取自容見買若耶溪水劍

沐劉黑衣滌龍印卦印主悔善無天結豈又許豈莫啾殊

年牽世苦繁身蘇蘇黃蜂小尾撲花歸窗人色通書幌

身巒谷口奇蘇寒白晝千牽朱翠華自氣賴拜以以窺

夫去氣匪非陰管曲岸迴篙舫艦遲瀉酒木欄椒葉蓋

臺窳今時劇蔡豈無心煉曲眉春風舍南有竹批書字

全唐詩

李賀

金銅仙人辭漢歌

并序

魏明帝青龍元年八月詔宮官牽車西取漢孝武
捧露盤仙人欲立置前殿宮官既拆盤仙人臨載
乃潸然淚下唐諸王孫李長吉遂作金銅仙人辭
漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老攜盤獨出月荒涼渭城已遠波聲小

天古古 古悠悠行 謝靈運 山氣清 永日延 山氣清 永日延

白景歸西山碧華上迢迢今古何處盡千歲隨風颺海
沙變成石魚沫吹秦橋空光遠流浪銅柱從年消

黃頭郎

黃頭郎撈攏去不歸南浦芙蓉影愁紅獨自垂水弄湘

娥珮竹啼山露月玉瑟調青門石雲溼黃葛沙上蘼蕪

花秋風已先發好持一作待掃羅薦香出鴛鴦一作籠熟

馬詩二十三首

龍脊貼連錢銀蹄白踏煙無人織錦韉誰為鑄金鞭

臘月草根甜天街雪似鹽未知口硬軟先擬羨黎銜

忽憶周天子驅車上玉山鳴騶辭鳳苑赤驥最承恩

此馬非凡馬房星本是星一作精向前敲瘦骨猶自帶銅聲

大漠山沙一作如雪燕山月似鉤何當金絡腦快走踏清秋

飢臥骨查牙麤毛刺破花鬣焦朱色落髮斷鋸長麻

西母酒將闌東王飯已乾君王若燕去誰為拽車轆

赤兔無人用當須呂布騎吾聞果下馬羈策任蠻兒

騶叔去一作死怱怱如今不羨龍夜來霜壓棧駿骨折西風

催榜渡烏江一作江東神驄泣向風君一作吾王今解劍何處逐英

雄

內馬賜宮人銀韉刺騏驎午時鹽坂上躑躅溘風塵

批竹初攢耳桃花未上身他時須攬陣牽去借將軍

寶玦誰家子長聞俠骨香堆金買駿骨將送楚襄王

香襍赭羅新盤龍蹙鎧鱗迴看南陌上誰道不逢春
不從桓公獵何能伏虎威一朝溝隴出看取拂雲飛
唐劍斬隋公拳毛屬太宗莫嫌金甲重且去捉麕

一作麕
又作麕

風

白鐵剉青禾碓間落細莎世人憐小頸金埒畏長牙
伯樂向前看旋毛在腹間祇今培白草何日驀青山
蕭寺馱經馬元從竺國來空知有善相不解走章臺
重圍如燕尾寶劍似魚腸欲求千里脚先采眼中光
暫繫騰黃馬仙人上綵樓須鞭玉勒吏何事謫高州
汗血到王家隨鸞撼玉珂少君騎海上人見是青驪
武帝愛神仙燒金得紫煙殿中皆肉馬不解上青天

申胡子感築歌

并序

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命予合飲氣熱杯闌因謂吾
曰李長吉爾徒能長調不能作五字歌詩直強迴
筆端與陶謝詩勢相遠幾里吾對後請撰申胡子
感築歌以五字斷句歌成左右人合譟相唱朔客
大喜擎觴起立命花娘出幕裴回拜客吾問所宜
稱善平弄於是以弊辭配聲與予爲壽
顏熱感君酒含嚼蘆中聲花娘筓綏妥休睡芙蓉屏誰

截太平管列點排空星直貫開花風天上驅雲行今夕
歲華落令人惜平生心事如波濤中坐時時驚朔客騎
白馬劍弢懸蘭纓俊健如生孫宥拾蓬中螢

老夫採玉歌

採玉採玉須水碧琢作步搖徒好色老夫食龍為
藍溪水氣無清白夜雨岡頭食蓊子杜鵑口血老夫淚
藍溪之水厭生人身死千年恨溪水斜山柏風雨如嘯
泉脚挂繩青裊裊村寒白屋念嬌嬰古臺石磴懸腸草
傷心行
咽咽學楚吟病骨傷幽素秋姿白髮生木葉啼風雨燈
青蘭膏歇落照飛蛾舞古壁生凝塵羈魂夢中語

湖中曲

長看越沙採蘭若桂葉水蒸春漠漠橫船一作倚醉眠白晝
閑渡口梅風歌扇薄燕釵玉股照青渠越王嬌郎小字
書蜀紙封巾報雲鬢晚漏壺中一作銅壺水淋盡

黃家洞

雀步蹙沙聲促促四尺角弓青石鏃黑幡三點銅鼓鳴
山潭晚霧吟白鬣竹蛇飛靈射金沙閑驅竹馬緩歸家
官軍自殺容州槎

屏風曲

蝶棲石竹銀交關水凝綠鴨瑠璃錢團迴六曲抱膏蘭

將鬢鏡上擲金蟬沈香火暖茱萸煙酒觥一作餘綰帶新承
懽月風吹露屏外寒城上烏啼楚女眠

南山田中行

秋野明秋風白塘水濛濛蟲嘖嘖雲根苔蘚山上石冷
紅泣露嬌啼色荒畦九月稻叉牙螿螢低飛隴逕斜石
脈水流泉滴沙鬼燈如漆點一作照松花

貴主征行樂

奚騎一作妓黃銅連鎖甲羅旗香榦金畫葉中軍留醉河陽
城嬌嘶紫燕踏花行春營騎將如紅玉走馬捎鞭上空
綠女垣素月角伊伊牙帳未開分錦衣

酒罷張大徹索贈詩時張初
勅路幕

長鬣張郎三十八天遣裁詩花作骨往還誰是龍頭人

公主遣乘魚須笏太行一作水符青草上白衫匣中章奏密如

蠶金門石閣知卿有豸角雞香早晚舍隴西長吉摧頽

客酒闌感覺中區窄葛衣斷碎趙城秋吟詩一夜東方

白

羅浮山父一作人與葛篇

依依宜織江雨空雨中六月蘭臺風博羅老仙時出洞

千歲石牀啼鬼工蛇毒濃凝一作毒蛇濃吁洞堂溼江魚不食銜

沙立欲剪箱一作湘中一尺天吳娥莫道吳刀澀

仁和里雜敘皇甫湜湜新尉陸渾

大人乞馬癯乃寒宗人貸宅荒厥垣橫庭鼠徑空土澀

出籬大棗垂朱殘安定美人截黃綬脫落纓裾暝朝酒
還家白筆未上頭使我清聲落人後枉辱稱知犯君眼
排引纔陞強絀斷洛風送馬入長關闔扇未開逢御犬
那知堅一作都相草草客枕幽單看春老歸來骨薄面無
膏瘦氣衝頭鬢莖少欲雕小說干天官宗孫不調爲誰
憐明朝下元復西道崆峒敘別長如天

宮娃歌

蠟光高懸照紗空花房夜擣紅守宮象口吹香氎氎暖
七星挂城聞漏板寒入罌恩殿影昏彩鸞簾額著霜痕
啼蛄弔月鉤欄下屈膝銅鋪鎖阿甄夢入家門上沙渚
天河落處長洲路願君光明如太陽放妾騎魚撒波去

堂堂

堂堂復堂堂紅脫梅灰香十年粉蠹生畫梁飢蟲不食
推一作堆碎黃蕙花已老桃葉長禁院懸簾隔御光華清源
中舉石湯衰回白鳳隨君王

勉愛行二首送小季之廬山

洛郊無俎豆弊廡慙老馬小雁過鑪峰影落楚水下長
船倚雲泊石鏡秋涼夜豈解有鄉情弄月聊鳴啞

別柳當馬頭官槐如兔目欲將千里別持我一作此易斗粟

南雲北雲空脈斷靈臺經絡懸春綫青軒樹轉月滿牀
下國飢兒夢中見維爾之昆二十餘年來持鏡頗有鬚
辭家三載今如此索朱王門一事無荒溝古水光如刀

庭南拱柳生蟻蟪江干幼客真可念
郗原晚吹悲號號
不圖致酒行
吳韻爾之見二十餘年
來林鶴
零落樓遲一杯酒主人奉觴客長壽
主父西遊困不歸
家人折斷門前柳吾聞馬周昔作新
豐客天荒地老無人識空將殘上兩
行書直犯龍顏請恩澤我有迷魂招
不得雄雞一聲天下白少年心事當拏
雲誰念幽寒坐鳴呃

長歌續短歌

中寒

長歌破衣襟短歌斷白髮秦王不可見
旦夕成內熱渴

飲壺中酒飢拔隴頭粟淒淒一作涼四月闌
千里一時綠夜

峰何離離明月落石底
裴回沿石尋照出高峰外不得

與之遊歌成鬢先改自

公莫舞歌 并序

公莫舞歌者詠項伯翼蔽劉沛公也會中壯士灼
灼於人故無復書且南北樂府率有歌引賀陋諸
家今重作公莫舞歌云

方花古一作石礎排九楹刺豹淋血盛銀鬖華一作軍筵鼓吹無

桐竹長刀直立割鳴箏橫楸麤錦生紅緯日炙錦媯王

未醉腰下三看寶玦光項莊掉劍欄前起材官小臣公

莫舞座上真人赤龍子芒碭雲瑞抱天迴咸陽王氣清

如水鐵樞鐵捷重束關大旗五丈撞雙鑼漢王今日頒

一作須秦印絕臙刳腸臣不論首

昌谷北園新筍四首

籜落長竿削玉開，君看母笋是龍材。
更容一夜抽千尺，別却池園數寸泥。
斫取青光寫楚辭，膩香春粉黑離離。
無情有恨何人見，露壓煙啼千萬枝。
家泉石眼兩三莖，曉看陰根紫脈_{一作陌}生。
今年水曲春沙上，笛管新篁拔玉青。

古竹老梢惹碧雲，茂陵歸臥歎清貧。
風吹千畝迎雨嘯，鳥重一枝入酒尊。

惱公

宋玉愁空斷，嬌饒粉自紅。
歌聲春草露，門掩杏花叢。
注

口櫻桃小添着桂葉濃曉奩妝秀靨夜帳減香筒鈿鏡
飛孤鵲江圖畫水洪陂陀梳碧鳳腰裏帶金蟲杜若含
清露河蒲聚紫茸月分蛾黛破花合靨朱融髮重疑盤
霧腰輕乍倚風密書題苙蔻隱語笑芙蓉莫鎖茱萸匣
休開翡翠籠弄珠驚漢燕燒蜜引胡蜂醉纈拋紅網單
羅挂綠蒙數錢教姹女買藥問巴賈勻臉安斜雁移燈
想夢熊腸攢非束竹肱急是張弓晚樹迷新蝶殘蛻憶
斷虹古時填渤海今日鑿崆峒繡沓褰長幔羅裙結短
封心搖如舞鶴骨出似飛龍井檻淋清漆門鋪綴白銅
隈花開兔徑向壁印狐蹤玳瑁釘簾薄琉璃疊扇烘象
牀綠素柏瑤席卷香蔥細管吟朝幌芳醪落夜楓宜男

生楚巷。梔子發。金塘龜甲開。屏澀鵝毛滲。一作梁墨濃黃庭

留衛瓘。綠樹養韓馮。雞唱星懸柳。鷓啼露滴桐。黃娥初

出座。寵妹始相從。蠟淚垂蘭燼。秋蕪掃綺櫳。吹笙翻舊

引。沽酒待新豐。短珮愁填粟。長弦怨削菘。曲池眠乳鴨

小閣睡娃僮。褥縫篆雙綫。鉤縹緲五總。蜀煙飛重錦。峽

雨濺輕容。拂鏡羞溫嶠。薰衣避賈充。魚生玉藕下。人在

石蓮中。含水彎蛾翠。登樓避馬鬣。使君居曲陌。園令住

臨邛。桂火流蘇暖。金爐細炷通。春遲王子態。鶯轉謝娘

慵。玉漏三星曙。銅街五馬逢。犀株防膽怯。銀液鎮心忪

跳脫看年命。琵琶道吉凶。王時應七夕。夫位在三宮。無

力塗雲母。多方帶藥翁。符因青鳥送。囊用絳紗縫。漢苑

尋官柳河橋闕禁鐘月明中婦覺應笑畫堂空

感諷五首

合浦無明珠龍洲無木奴足知造化力不給使君須越
婦未織作吳蠶始蠕蠕縣官騎馬來獰色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃梁縣官踏食去簿吏復登堂

奇俊無少年日車何躡躡我待紆雙綬遺我星星髮都
門賈生墓青蠅久斷絕寒食搖揚天憤景長蕭殺皇漢
十二帝唯帝稱睿哲一夕信豎兒一作反信文明永淪歇

南山何其悲鬼雨灑空草長安夜半秋風前幾人一作剪

老低迷黃昏徑裏裏青櫟道月午樹無影一山唯白曉
漆炬迎新人幽壙螢擾擾

星盡四方高萬物知天曙已生須已養荷擔出門去君

平久不反康伯循通國路曉思何謨謨闕闕千人語

石根秋水明石畔秋草瘦侵衣野竹香蟄蟄垂葉厚岑

中月歸來蟾光挂空一作雲秀桂一作秋露對仙娥星星下雲逗

淒涼梔子落山壘泣清漏下有張仲蔚披書案將朽

三月過行宮

渠水紅鱗擁御牆風嬌小葉學娥妝垂簾幾度青春老
堪鎖千年白日長

全唐詩

李賀

追和何謝銅雀妓

佳人一壺酒秋容滿千里石馬臥新煙憂來何所似歌聲且潛弄陵樹風自起長裾壓高臺淚眼看花机凡同

送秦光祿北征

北虜膠堪折秋沙亂曉輦鬚胡頻犯塞驕氣似橫霓灞水樓船渡營門細柳開將軍馳白馬豪彥騁雄材箭射欖槍落旗懸日月低榆稀山易見甲重馬頻嘶天遠星光沒沙平草葉齊風吹雲路火雪汗玉關泥屢斷呼韓頸曾然董卓臍太常猶舊寵光祿是新階一作寶玦麒麟

起銀壺佛狎啼桃花連馬發綵絮撲鞍來呵臂懸金斗
當脣注玉壘清蘇和碎蟻紫膩卷浮杯虎鞞先蒙馬魚
腸且斷犀趨趨西旅狗蹙額北方奚守帳然香幕看鷹
永祿樓黃龍就別鏡青塚念陽臺周處長橋役候調短
弄哀錢塘階鳳羽正室擘鸞釵內子攀琪樹羌兒奏落
梅今朝擎劒去何日刺蛟迴

各月然酬荅二首

自跋身

蘇軾

高堂

知

蘇軾

金魚公子夾衫長密裝腰鞞割玉方行處春風隨馬尾
柳花偏打內家香

雍州二月梅

一作海

池春御水鳩鵲暖白蘋試問酒旗歌板

地今朝誰是拗花人

畫角東城

河轉曙蕭蕭鴉飛睥睨高帆長標一作標越甸壁冷挂吳刀
淡菜生寒日魴魚滌白濤水花霑抹額旗鼓夜迎潮

謝秀才有妾縞練改從於人秀才引留之不得
從生感憶座人製詩嘲謝賀復繼四首

誰知泥憶雲望斷梨花春荷絲製機練竹葉剪花裙月
明啼阿姊燈暗會良人也識君夫壻金魚挂在身

銅鏡立青鸞燕脂拂紫綿腮花弄暗粉眼尾淚侵寒碧
玉破不復一作破瓜後瑶琴重撥弦今日非昔日何人敢正看

洞房思不禁蜂子作花心灰暖殘香炷髮冷青蟲簪夜
遙燈焰短睡熟小屏深好作鴛鴦夢南城罷擣碁

尋常輕宋玉今日嫁文鴛戟幹橫龍簾刀環倚桂窗邀
人裁半袖端坐據胡牀淚溼紅輪重棲烏上井梁

昌谷讀書示巴童

蟲響燈光薄宵寒藥氣濃君憐垂翅客辛苦尚相從

巴童荅

巨鼻宜山褐龐眉入苦吟非君唱樂府誰識怨秋深

代崔家送客

行蓋柳煙下馬蹄白翩翩恐隨行一作送處盡何忍重一作復揚

鞭

出城

雪下桂花稀啼鳥被彈歸關水乘驢影秦風帽帶垂入

鄉試萬里

一作誠
可重

無印自堪悲卿卿忍相問鏡中雙淚姿

一作
手

莫種樹

園中莫種樹種樹四時愁獨睡南牀

一作
窗

月今秋似去秋

將發

東牀卷席罷護落將行去秋白遙遙空日滿門前路

追賦畫江潭苑四首

吳苑曉蒼蒼宮衣水濺黃小鬟紅粉薄騎馬珮珠長路
指臺城迴羅薰袴褶香行雲霑翠輦今日似襄王
寶袜菊衣單蕉花密露寒水光蘭澤葉帶重剪刀錢角
暖盤弓易靴長上馬難淚痕霑寢帳勻粉照金鞍

剪翅小鷹斜，緜根玉鏃花。
鞦垂妝鈿粟，箭箠釘文牙。
鶯啼深竹，鷓鴣老溼沙。
宮官燒蠟火，飛燼污鉛華。
十騎簇芙蓉，宮衣小隊紅。
練香熏宋鵲，尋箭踏盧龍。
旗溼金鈴重，霜乾玉鏡空。
今朝畫眉早，不待景陽鐘。

潞州張大宅病酒遇江使寄上十四兄

秋至昭關後，當知趙國寒。
繫書隨短羽，寫恨破長箋。
病客眠清曉，疎祠墜綠鮮。
城鴉啼粉堞，軍吹壓蘆煙。
岸幘褰沙幌，枯塘臥折蓮。
木窗銀跡畫，石磴水痕錢。
旅酒侵愁肺，離歌繞懦弦。
詩封兩條淚，露折一枝蘭。
莎老沙雞泣，松乾瓦獸殘。
覺騎燕地馬，夢載楚溪船。
板桂傾長席，鱸鮑斫坻筵。
豈能忘舊路，江島滯佳年。

難忘曲

夾道開洞門弱楊低畫戟簾影竹華一作起簫聲吹日色

蜂語繞妝鏡拂一作蛾學春碧亂繫丁香梢滿欄花向夕

賈公閭貴壻曲

朝衣不須長分花對袍縫嚶嚶白馬來一作春滿腦黃金重

今朝香氣苦珊瑚澀難枕且耍弄風入暖蒲沙上飲燕

語踏簾鉤日虹屏中碧潘令在河陽無人死芳色

夜飲朝眠曲

觴酣出座東方高腰橫半解星勞勞柳苑鴉啼公主醉

薄露壓花蕙園一作蘭氣玉轉溼絲牽曉水熱一作粉生香琅

玕紫夜飲朝眠斷無事楚羅之幃臥皇子

王濬墓下作

人間無阿童猶唱水中龍
白草侵煙死秋梨遶地紅
古書平黑石袖一作神劒斷青銅
耕勢魚鱗起墳科一作斜馬鬣封
菊花垂溼露棘徑臥乾蓬
松柏愁香澀南原幾夜風

客遊

悲滿千里心日暖南山石
不謁承明廬老作平原客
四時別家廟三年去鄉國
旅歌屢彈鋏歸問時裂帛

崇義里滯雨

落莫誰家子來感長安秋
壯年抱羈恨夢泣生白頭
瘦馬秣敗草雨沫飄寒溝
南宮古簾暗溼景傳籤籌
家山遠千里雲脚天東頭
憂眠枕劒匣客帳夢封侯

馮小憐

灣頭見小憐請上琵琶弦
破得春風恨今朝直幾錢
裙垂竹葉帶鬢溼杏花煙
玉冷紅絲重齊宮妾駕鞭

贈陳商

長安有男兒三十心已朽
楞伽堆案前楚辭繫肘後
人生有窮拙日暮聊飲酒
祇今道已塞何必須白首
淒淒陳述聖披褐鉏俎豆
學為堯舜文時人責衰偶
柴門車轍凍日下榆影瘦
黃昏訪我來苦節青陽陂
太華五千仞劈地抽森秀
旁古無寸尋一上戛牛斗
公卿縱不憐一作寧能鎖吾口
李生師太華大坐看白晝
逢霜作樸檉得氣為春柳
禮節乃相去顛顛如芻狗
風雪直齋壇墨

組貫銅綬臣妾氣態間唯欲承箕帚天眼何時開古劍

庸一吼

釣魚詩

秋水釣紅渠仙人待素書菱絲縈獨繭蒲

一作

米蟄雙魚

斜竹垂清沼長綸貫碧虛餌懸春蜥蜴鉤墜小蟾蜍
子情無限龍陽恨有餘為看煙浦上楚女淚霑裾

奉和二兄罷使遣馬歸延州

空留三尺劍不用一丸泥馬向沙場去人歸故國來
愁翻隴水酒喜灑春灰錦帶休驚雁羅衣尚鬪雞還吳
已渺渺入郢莫淒淒自是桃李樹何畏不成蹊

答贈

本是張公子曾名萼綠華沈香熏小像楊柳伴啼鴉露
重金泥冷盃闌玉樹斜琴堂沽酒客新買後園花

題趙生壁

大婦然竹根中婦春玉屑冬暖拾松枝日煙坐蒙滅木
蘚青桐老石井一作泉水聲發曝背臥東亭桃花滿肌骨

感春

日暖自蕭條花悲北郭騷榆穿萊子眼柳斷舞兒腰上
幕迎神燕飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲鹿
飲寒澗下魚歸清海濱當時漢武帝書報桃花春

河陽歌

染羅衣秋藍難著色不是無心人為作臺一作臨邛客花燒

中潭音誕城顏郎身已老惜許兩少年抽心似春草今日

見銀牌今夜鳴玉讌牛頭高一尺隔坐應相見月從東

方來酒從東方轉觥船餒口紅密炬千枝爛

花遊曲 并序

寒食日諸王妓遊賀入座因採梁簡文詩調賦花

遊曲與妓彈唱

春柳南陌態冷花寒露姿今朝醉城外拂鏡濃掃眉煙

溼愁車重紅油覆畫衣舞裙香不暖酒色上來遲

春畫

朱城報春更漏轉光風催蘭吹小殿草細堪梳柳長如
線卷衣秦帝掃粉趙燕日含畫幕蜂上羅薦平陽花塢
河陽花縣越婦檣機吳蠶作繭菱汀繫帶荷塘倚扇江
南有情塞北無恨

安樂宮

深一作漆井桐烏起尚復牽情一作清水未盥邵陵瓜餅中弄長
翠新成一作城安樂宮宮如鳳皇翅歌迴蠟板鳴左帽提壺
使綠繫悲水曲茱萸別秋子

胡蝶飛

舞一作

楊花撲帳春雲熱龜甲屏風醉眼纈東家胡蝶西家飛
白騎少年今日歸

梁公子

風彩出蕭家本是菖蒲花南塘蓮子熟洗馬走江沙
一作御牋銀沫冷長篔鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却丹盆
一夜綠房迎白曉美人醉語園中煙晚華已散蝶又闌
梁王老去羅衣在拂袖風吹蜀國弦歸霞帔拖蜀帳昏
媽紅落粉罷承恩檀郎謝女眠何處樓臺月明燕夜語

後園鑿井歌

井上轆轤牀上轉水聲簾弦聲淺情若何荀奉倩城頭
日長向城頭住一日作千年不須流下去

開愁歌

華下作

秋風吹地百草乾華容碧影生晚寒我當二十不得意
一心愁謝如枯蘭衣如飛鴉馬如狗臨岐擊劍生銅吼
旗亭下馬解秋衣請貫宜陽一壺酒壺中喚天雲不開
白晝萬里閑淒迷主人勸我養心骨莫受俗物相填狹

玉篇廣韻俱無狹字統載云
按狹即厓字音灰相擊也

秦宮詩

并序

漢人秦宮將軍梁冀之嬖奴也秦宮得寵內舍故
以驕名大譟於人予撫舊而作長辭以馮子都之
事相為對望又云昔有之詩

越羅衫袂

一作夾衫

迎春風玉刻麒麟腰帶紅樓頭曲宴仙人

語帳底吹笙香霧濃人間開酒暖春茫茫花枝入簾白

日長飛窗複道傳籌一作飲十夜銅盤一作半膩燭黃禿衿

小袖調鸚鵡紫繡麻鞞踏哮同虎斫桂燒金待曉筵白

鹿青蘇一作清猷夜半煮桐英永巷騎新一作馬內屋深一作屏生

色畫開門爛用水衡錢卷起黃河向身瀉皇天厄運猶

曾裂秦宮一生花底一作裏活鸞篋奪得不還人醉睡氍毹

滿堂月

古鄴城童子謠效王粲刺曹操

鄴城中暮塵起將一作黑丸斫文吏棘為鞭虎為馬團團

走鄴城下切玉劍射日弓獻何人奉相公扶轂來關右

兒香掃塗相公歸

楊生青花紫石硯歌

端州石工巧如神踏天磨刀割紫雲傭剗抱水含滿脣
暗灑萋弘冷血痕紗帷晝暖墨花春輕漚漂沫松麝薰
乾膩薄重立脚勻數寸光秋無日昏圓毫促點聲靜新
孔硯寬頑一作頑何足云

房中思

新桂如蛾眉秋風吹小綠行輪出門去玉鑿聲斷續月
軒下風露曉庭自幽澀誰能事貞素臥聽莎雞泣

石城曉

月落大隄上女垣棲鳥起細露溼團紅寒香解夜醉女
牛一作石子渡天河柳煙滿城曲上客留斷纓殘蛾鬪雙綠春

全唐言 九
帳依微蟬翼羅橫茵突金隱體花帳前輕絮鶴一作鸞毛起
欲說春心無所似

苦晝短

飛光飛光勸爾一杯酒吾不識青天高黃地厚唯見月
寒日暖來煎人壽食熊則肥食蛙則瘦神君何在太一
安有天東有若木下置銜燭龍吾將斬龍足嚼龍肉使
之朝不得迴夜不得伏自然老者不死少者不哭何爲
服一作餌黃金吞白玉誰似一作是任公子雲中騎碧一作白驢劉徹
茂陵多滯骨嬴政梓棺費鮑魚

章和二年中

雲蕭索田一本無田字風拂拂麥芒如篲黍如粟關中父老百

領襦關東吏人乏詬租健犢春耕土膏黑菖蒲叢叢沿
水脈殷勤爲我下田租百錢攜償一作賞絲桐客遊春漫光
塢花白野林散香神降席拜神得壽獻天子七星貫斷
姮娥死

春歸昌谷

東髮方讀書謀身苦不早終軍未乘傳顏子鬢先老天
網信崇大矯士常慙慙逸目駢甘華羈心如荼蓼旱雲
二三月岑岫相顛倒誰搗頰玉盤東方發紅照春熱張
鶴蓋兔目官槐小思焦面如病嘗膽腸似絞京國心爛
漫夜夢歸家少發軔東門外天地皆浩浩青樹驪山頭
花風滿秦道宮臺光錯落裝盡一作畫偏一作偏峰嶠細綠及團

紅當路雜啼笑香風下高廣鞍馬正華耀獨乘雞棲車
自覺少風調心曲語形影祇身焉足樂豈能脫負擔刻
鶴一作鷓鴣曾無兆幽幽太華側老柏如建燾龍皮相排曼翠
羽更蕩掉驅趨委憔悴眺覽強容貌花蔓閤行輶穀煙
暝深微少健無所就入門愧家老聽講依大樹觀書臨
曲沼知非出柙虎甘作藏霧豹韓鳥處繒繳湘儵在籠
罩狹行無廓落壯士徒輕躁

昌谷詩

五月二十七日作

昌谷五月稻細青滿平

一作草平秋

水遙巒柏壓疊頽綠愁墮

地光潔無秋思

一作絲

涼曠吹浮嬌竹香滿淒寂粉節塗生

翠草髮垂恨鬢光露泣幽淡層圍爛洞曲芳徑老紅醉

攢蟲鏤古柳蟬子鳴高塚大帶委黃葛紫蒲交狹淡石
錢差復藉厚葉昏蟠膩汰沙好平白立馬印青字晚鱗

自遨遊瘦鵠暝單跼嘹嘹溼蛙聲咽源驚濺起紆緩玉

真路前註近武后遊幸路神娥蕙花裏苔絮繁澗礫山實垂頰紫小

柏儼重扇肥松突丹髓鳴流走響韻壠秋拖光穉鶯唱

閨女歌瀑懸楚練帔風露滿笑眼駢巖雜舒墜亂條一作篠

迸石嶺細頸喧鳥喙日脚婦昏翳新雲啟華闕謚謚厭

夏光商風道清氣高眠服一作復玉容燒桂祀天凡谷與女山嶺阪相承

山即蘭香神女上天處也遺凡在焉霧衣夜披拂眠壇夢真粹待駕樓鸞老故

宮椒壁圮福昌宮在谷之東鴻瓏數鈴響羈臣發涼思陰藤束朱

鍵龍帳著魑魅碧錦帖花檉香衾事殘貴歌塵蠹木在

舞綵長雲似珍一作壤割繡段里俗祖風義鄰凶不相杵

疫病無邪祀鮫皮識仁惠卅角知醜恥縣省司刑宮戶

乏詬租吏竹藪添墮簡石磯引鉤餌溪灣轉水帶芭蕉

傾蜀紙岑光晃穀襟孤景拂繁事泉尊陶宰酒月眉謝

郎妓丁丁幽鐘遠矯矯單飛至霞嶽殷差義危溜聲爭

次淡蛾流平碧薄月眇陰悴涼光入澗岸廊盡山中意

漁童下宵網霜禽竦煙翅潭鏡滑蛟涎浮珠吮魚戲風

桐一作瑶匣瑟螢星錦城使柳綴長縹帶篁掉短笛吹石

根緣綠蘚蘆筍抽丹漬漂旋弄天影古檣擎雲臂愁月

護帳紅罨雲香蔓刺芒麥平百井閑乘列干肆刺從成

紀人好學鴟夷子

銅駝悲

落魄三月罷尋花去東家誰作送春曲洛岸悲銅駝橋
南多馬客北山饒古人客飲盃中酒駝悲千萬春生世
莫徒勞風吹盤上燭厭見桃株笑銅駝夜來哭

自昌谷到洛後門

九月大野白蒼岑竦秋門寒涼十

一作交

月末露

一作雪

霰濛濛

昏澹色結書天心事填空雲道上千里風野竹蛇涎痕

石澗凍

一作東

波聲雞叫清寒晨強行到東

一作都

舍解馬投舊

鄰東家名廖者鄉曲傳姓辛杖頭非飲酒吾請造其人
始欲南去楚又將西適秦襄王與武帝各自留青春聞
道蘭臺上宋玉無歸魂緜縹兩行字蟄蟲蠹秋芸為探

秦臺意豈命余負薪

七月一日曉入太行山

一夕遠山秋香露溼蒙萊新橋倚雲阪候蟲嘶露樸洛
南一作陽今已遠越僉誰爲熟石氣何淒淒老莎如短鏃

秋涼詩寄正字十二兄

閉門感秋風幽姿任契濶大野生素空天地曠肅殺露
光一作光露泣殘蕙蟲響連夜發房寒寸輝薄迎風絳紗折披
書古芸馥恨唱華容歇百日不相知花光變涼節弟兄
誰念慮戕翰旣通達青袍度白馬草簡奏東闕夢中相
聚笑覺見半牀月長思劇尋環亂憂抵單葛

全唐詩

李賀

艾如張

錦襜褕繡襜襦強飲啄哺爾雛隴東臥穉滿風雨莫信
一作籠媒隴西去齊人織網如素空張在野田一作平碧
 中網絲漠漠無形影誤爾觸之傷首紅艾葉綠花誰剪
 刻中藏禍機不可測

上雲樂

飛香走紅滿天春花龍盤盤上紫雲三千宮一作綠女列金
 屋五十弦瑟海上聞天江一作河碎碎銀沙路羸女機中斷
 煙素斷煙素縫衣縷一作舞衣八月一日君前舞

摩多樓一作樓子

玉塞去金人二萬四千里風吹沙作雲一時渡遼水天
白水如練甲絲雙串斷行行莫苦辛城月猶殘半曉氣
朔煙上越越胡馬蹄行人臨水別隔隴一作隴水長東西

猛虎行四言

長戈莫春長弩莫抨乳孫哺子教得生獐舉頭爲城掉
尾爲旌東海黃公愁見夜行道逢騶虞牛哀不平何用
尺刀壁上雷鳴泰山之下婦人哭聲官家有程吏不敢
聽

日出行

白日下崑崙發光如舒絲徒照葵藿心不照遊子悲折

折黃河曲日從中央轉賜谷耳曾聞若木眼不見柰爾

一作何鑠石胡爲銷人羿彎弓屬矢擲不中足令一本有鳥不久

一作火不得奔詎教晨光夕昏

苦篁調嘯引

請說軒轅在時事伶倫採竹二十四伶倫採之自崑丘
一作務軒轅詔遣中分作十二伶倫以之正音律軒轅以之
調元氣當時黃帝上天時二十三管咸相隨唯留一管
人間吹無德不能得此管此管沈埋虞舜祠

拂舞歌辭

吳娥聲絕天空雲閑裴回門外滿車馬亦須生綠苔尊
有烏程酒勸君千萬壽全勝漢武錦樓上曉望晴寒一作空

飲花露東方日不破天光無老時丹成作蛇乘白霧千
年重化玉井土從蛇作土一作千載吳堤綠草年年在
背有八卦稱神仙邪鱗頑甲滑腥涎

夜坐吟

踏踏馬蹄誰見過眼看北斗直天河西風羅幕生翠波
鉛華笑妾顰青蛾爲君起唱舞一作長相思簾外嚴霜皆倒
飛明星爛爛東方陞紅霞梢出東南涯陸郎去矣乘班
駝

箜篌引

又曰公
無渡河

公乎公乎提壺將焉如屈平沈湘不足慕徐衍入海誠
爲愚公乎公乎牀有管席盤有魚北里有賢兄東隣有

小姑隴畝油油黍與葫一作禾瓦甌濁醪蟻浮浮黍可食醪
可飲公乎公乎其柰居被髮奔流竟何如賢兄小姑哭
鳴鳴

巫山高

碧叢叢高

一作齊插一作

天大江翻瀾神曳煙楚魂尋夢風颺

一作

然曉風飛雨生苔錢瑶姬一去一千年丁香筇竹啼

老猿古祠近月蟾桂寒椒花墜紅溼雲間

一作端

平城下

飢寒平城下夜夜守明月別劍無玉花海風斷鬢髮塞
長連白空遙見漢旗紅青帳吹短笛煙霧溼畫籠日晚
在城上依稀望城下風吹枯蓬起城中嘶瘦馬借問築

城吏去關幾千里惟愁袞屍歸不惜倒戈死

江南弄

江中綠霧起涼波天上疊巘紅嵯峩水風浦雲生老竹
渚頭蒲帆如一幅鱸魚千頭酒百斛酒中倒臥南山綠
吳歛越吟未終曲江上團團帖寒玉

榮華樂

一作東洛
梁家諱

鷺肩公子二十餘齒編貝脣激朱氣如虹霓飲如建瓴
走馬夜歸叫嚴更徑穿複道遊椒房龍裘金玦雜花光
玉堂調笑金樓子臺下戲學邯鄲倡口吟舌話稱女郎
錦袿繡面漢帝旁得明珠十斛白璧一雙新詔垂金曳
紫光煌煌馬如飛人如水九卿六官皆望履將迴日月

先反掌欲作江河唯盡地
我我虎冠上切雲竦劍晨趨
凌紫氛繡段千尋貽皂隸
黃金百鑑貺家臣十二門前
張大宅晴春煙起連天碧
金鋪綴日雜紅光銅龍鬪環
似爭力瑤姬凝醉臥芳席
海素籠窗空下隔丹穴取鳳
充行庖饜饜如拳那足食
金蟾呀呀蘭燭香軍裝武妓
聲琅璫誰知花雨夜來過
但見池臺春草長嘈嘈弦吹
匝天開洪厓簫聲遶天來
天長一矢貫雙虎雲馳絕騁
聒旱雷亂袖交竿管兒舞
吳音綠鳥學言語能教刻石
平紫金解送刻毛寄新兔
一本少皇字后七貴人五十
校尉二將軍當時飛去逐彩雲
化作今日京華春

相勸酒

義和騁六轡晝夕不曾閑彈烏菴岷竹一作石扶馬蟠桃鞭
蓐收旣斷翠柳青帝又造紅蘭堯舜至今萬萬歲數子
將爲傾蓋間青錢白璧買無端丈夫快意方爲歡臃臃
臃熊何足云會須鍾飲北海箕踞南山歌淫淫管悻悻
橫波好送雕題金人生得意且如此何用強知元化心
相勸酒終無輟伏願陛下鴻名終不歇子孫綿如石上
葛來長安車駢駢中有梁冀舊宅石崇故園

瑤華樂

穆天子走龍媒八轡冬瓏逐天迴五精掃地凝雲開高
門左右日月環四方錯鏤稜層殷舞霞垂尾長盤珊江
澄海淨神母顏施紅點翠照虞泉曳雲拖玉下崑山列

旆如松張蓋如輪金風殿一作秋清明發春八鑿十乘轟
如雲屯瓊鍾瑤席甘露文玄霜絳雪何足云薰梅染柳
將贈君鉛華之水洗君骨與君相對作真質

北中寒

一方黑照三方紫黃河冰合魚龍死三尺木皮斷文理
百石強車上河水霜花草上大如錢揮刀不入迷濛天
爭一作淨潛海水飛凌喧山瀑無聲玉虹懸

梁臺古愁一作意

梁王臺沼空中立天河之水夜飛入臺前鬪玉作蛟龍
綠粉掃天愁露溼撞鐘飲酒行射天金虎威裘噴血斑
朝朝暮暮愁海翻長繩繫日樂當年芙蓉凝紅得秋色

蘭臉別春啼脈脈蘆洲客雁報春來寥落野篁秋漫白

公無出門

天迷迷地密密熊虺食人魂雪霜斷

一作風破

人骨啖犬信信

相索索舐掌偏宜佩蘭客帝遣乘軒災自息玉星點劔
黃金軌我雖跨馬不得還歷陽湖波大如山毒虬相視
振金環後猊狻猊吐噉涎鮑焦一世披草眠顏回廿九
鬢毛斑顏回非血衰鮑焦不違天天畏遭銜齧所以致
之然分明猶懼公不信公看呵壁書問天

神弦別曲

巫山

一作陽

小女隔雲別春風松花

一作松花春風

山上發綠蓋獨穿

香徑歸白馬花竿前子子蜀江風澹水如羅墮蘭誰泛

相經過南山桂樹爲君死雲衫淺污紅脂花

綠水詞

今宵好風月阿侯在何處爲有傾人色一作城人翻成足愁苦

東湖採蓮葉南湖拔一作折蒲根一作茸未持寄小姑且持感愁

魂一作秋風

沙路曲

柳臉一作陰半眠丞相樹珮馬釘鈴踏沙路斷燼遺香裏翠

煙燭一作獨騎啼一作蹄鳥一作鳴上天去帝家玉龍開九關帝前動

一作簪笏移南山獨垂重印押千官金窠一作科篆字紅屈盤沙

路歸來聞好語旱火不光天下雨

上之回

上之回大旗喜懸紅雲撻鳳尾
劍匣破舞蛟龍蚩尤死
鼓逢逢天高慶雷齊墜地
地無驚煙海千里

高軒過

韓員外愈皇甫侍御
湜見過因而命作

颯然

一非

鏗然白團圓
寶合袖巢燕
松籟小春寒
雜

輶語鏗金絲
辭去天
阿白南
遊水鱗
離糝密
髮盡
髮深

鬢香菱蘇
身草草
香雨
紅註
歌來
浪直
心
岳知
蕭
灼
配

不離
露山
秀
懸空
春
兼
麻
剪
鸞
翼
帶
金
鞞
駐
蘭
封
穴

海
菴
疏
漱
石
泉
土
水
竹
幽
篁
畫
涼
絲
絲
對
對
門
翠
蕙

古
春
羊
羊
耳
閑
絲
對
對
雲
沐
香
深
翹
華
林
肯
舍
日
君
心

下海
蘭香
帷
女
麻

三賦

翹揭雙翅
關六宮
不語
一生

鸞
妹
眼
能
覺
玉
亦
寒
空
來
却
受
水
吸
天
清
涼
堪
老
鏡
中

鸞秋肌稍覺玉衣寒空光帖妥水如天

蘭香神女廟

三月
中作

古春年年在閑綠搖暖雲松香飛晚華柳渚含日昏沙
砌落紅滿石泉生水芹幽篁畫新粉蛾綠橫曉門弱蕙
不勝露山秀愁空春舞珮剪鸞翼帳帶塗輕銀蘭桂吹
濃香菱藕長葦葦看雨逢瑤姬乘船值江君吹簫飲酒
醉結綬金絲裙走天呵白鹿遊水鞭錦鱗密髮虛鬟飛
膩頰一作
鬢凝花勻團鬢分蛛巢穠眉籠小脣弄蝶和輕妍
風光怯腰身深幃金鴨冷奩鏡幽鳳塵踏霧乘風歸撼
玉山上聞

送韋仁實兄弟入關

送客飲別酒千觴無緒顏何物最傷心馬首鳴金鏢野
色浩無主秋明空曠間坐來壯膽破斷目不能看行槐
引西道青梢長攢攢韋郎好兄弟疊玉生文翰我在山
上舍一畝蒿磽田夜雨叫租吏春聲暗交一作聞關誰解念
勞勞一作苦蒼突唯南山

洛陽城外別皇甫湜

洛陽吹別風龍門起斷煙冬樹東生澀晚紫凝華天單
身野霜上疲馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留碧空玉煙青溼白如幢
銀灣曉轉流天東溪汀眠鷺夢征鴻輕漣不語細游溶

層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如牛疊
聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金鞞雨中盡
直餘三脊一作殘狼牙我尋平原乘兩馬驛東石田蒿塢
下風長日短星蕭蕭黑旗雲溼懸空夜左魂右鬼啼肌
瘦酪瓶倒盡將羊炙蟲棲雁病蘆筍紅迴風送客吹陰
火訪古洑瀾收斷鏃折鋒赤墾曾剗肉南陌東城馬上
兒勸我將金換簾竹

江樓曲

樓前流水江陵道
鯉魚風起芙蓉老
曉釵催一作擁鬢語南

風抽帆歸來一日功
麗吟浦口飛梅雨
竿頭酒旗換青

苧蕭騷浪白雲差池一作參差黃粉油衫寄郎主
新槽酒聲苦

無力南湖一頃菱花白
眼前便有千里愁
小玉開屏見

山色

塞下曲

樂府詩作三首

胡角引北風
薊門白於水
天含青海道
城頭月千里
露

下旗濛濛寒金鳴
夜刻蕃甲鑲蛇鱗
馬嘶青塚白
秋靜

見旌頭沙遠
席羈一作其愁帳北
天應盡河聲
出塞流

染絲上春機

玉罌泣一作水桐花井菑絲沈水如雲影美人嬾態燕脂

愁春梭拋擲鳴高樓綵線結茸背複疊白袷玉郎寄桃

葉為君挑鸞作腰綬願君處處宜春酒一作雪

五粒小松歌并序

前謝秀才杜雲卿命予作五粒小松歌予以選書
多事不治曲辭經十日聊道八句以當命意

蛇子蛇孫鱗蜿蜿新香幾粒洪厓飯綠波浸葉滿濃光
細束龍髯鉸刀剪主人壁上鋪州圖主人堂前多俗儒

月明白露秋淚滴一作露泣 懸秋淚石筍溪雲肯寄書

塘上行

藕花涼露溼花缺藕根澀飛下雌一作雄鴛鴦塘水聲溘溘

金唐詩
呂將軍歌

呂將軍騎赤兔獨攜大膽出秦門金粟堆邊哭陵樹北
方逆氣汗青天劔龍夜叫將軍閑將軍振袖揮劔鏢玉
闕朱城有門閣榼榼銀龜搖白馬傅粉女郎火一作旗下
恒山鐵騎請金槍遙聞箴中花箭香西郊寒蓬葉如刺
皇天新一作親栽養神驥殿中高桁排一作挑蹇蹄飽食青芻飲
白水圓蒼低迷蓋張地九州人事皆如此赤山秀鋌禦
時英綠眼將軍會天意

休洗紅

休洗紅洗多紅色淺卿卿少年昨日殷橋見封侯早
歸來莫作弦上箭

神弦曲

西山日沒東山昏旋風吹馬馬踏雲畫弦素管聲淺繁
花裙綵繚步秋塵桂葉刷風桂墜子青狸哭血寒狐死
古壁彩虬金帖尾雨工騎入秋一作夜潭水百年老鴉成
木魅笑聲碧火巢中起

野歌

鷗翎羽箭山桑弓仰天射落銜蘆鴻麻衣黑肥衝北風
帶酒日晚歌田中男兒屈窮心不窮枯榮不等嗔天公
寒風又變爲春柳條條看即煙濛濛

神弦

女巫澆酒雲滿空玉爐炭火香
鬱鬱海神一作雲山鬼來座

中紙錢窸窣鳴颼風相思木帖金舞鸞攢蛾一嚏重一
彈呼星召鬼歆杯盤山魅食時人森寒終南日色低平
灣神兮長在有無間神嗔神喜師更顏送神萬騎還青
山

將進酒

琉璃鍾琥珀濃小槽酒滴真珠紅烹龍炮鳳玉脂泣羅
屏一作繡幕圍香一作春風吹龍笛擊鼉鼓皓齒歌細腰舞况
是青春日將暮桃花亂落如紅雨勸君終日酩酊醉一作歸
酒不到劉伶墳上土

美人梳頭歌

西施曉夢綃帳寒香鬟墮髻半沈檀轆轤咿啞轉鳴玉

驚起芙蓉睡新足雙鸞開鏡秋水光解鬟臨鏡立象牀
一編香絲雲撒地玉釵落處無聲膩纖手却盤老鷓鴣色
翠滑寶釵簪不得春風爛熳惱嬌慵十八鬟多無氣力
妝成鬢鬢敲不斜雲裾數步踏雁沙背人不語向何處
下堦自折櫻桃花

月漉漉篇

月漉漉波煙一作玉莎青桂花繁芙蓉別江木粉態袂羅
寒雁羽鋪煙溼誰能看石帆乘船鏡中入秋白鮮紅死
水香蓮子齊挽菱隔歌袖綠刺胷銀泥

京城

驅馬出門意牢落長安心兩事誰向道自作秋風吟

官街鼓

曉聲隆隆催轉日暮聲隆隆呼月出漢城黃柳映新簾
栢陵飛燕埋香骨碓發一作碎千年日長白孝武秦王一作皇聽
不得從君翠髮蘆花色獨共南山守中國幾迴天上葬
神仙漏聲相將無斷緣一作續又作絕

許公子鄭姬歌

鄭園中請賀作

許史世家外親貴宮錦千端買沈醉銅駝酒熟烘明膠
古堤大柳煙中翠桂開客花名鄭袖入洛聞香鼎門口
先將芍藥獻妝臺後解黃金大如斗莫愁簾中許合歡
清弦五十爲君彈彈聲咽春弄君骨骨興牽人馬上鞍
兩馬八蹄踏蘭苑情如合竹誰能見夜光玉枕栖鳳皇

袷羅當門刺純綫長翻蜀紙卷明君轉角含商破碧雲
自從小靨來東道曲裏長看少見人相如塚上生秋柏
三秦誰是言情客蛾鬢醉眼拜諸宗爲謁皇孫請曹植
新夏歌

曉木千籠真蠟綵落

一作絳蕊

一作帶枯香數分在陰枝秀

一作拳牙

卷縹茸長風迴氣扶葱蘢野家麥畦上新壠長吟裴回
桑柘重刺香滿地菖蒲草雨梁燕語悲身老三月搖揚
入河道天濃地濃

一作濃柳梳掃

題歸夢

長安風雨夜書客夢昌谷怡怡中堂笑小弟栽澗菜家
門厚重意望我飽飢腹勞勞一寸心燈花照魚目

經沙苑

野水泛長瀾宮牙開小菡無人柳自春
草渚鴛鴦暖晴嘶臥沙馬老去悲啼
展今春還不歸塞嚶折翅雁

出城別張又新酬李漢

李子別上國南山崆峒春不聞今夕鼓
差慰煎情人趙壺賦命薄馬卿家業貧
鄉書何所報紫葢生石雲長安玉桂國
戟帶披侯門慘陰地自光寶馬踏曉昏
臘春戲草苑玉輓鳴轆轤綠網緝金鈴
霞卷清池濬開貫瀉蚨母買冰防夏蠅
時宜裂大袂一作被劍客車盤茵小人如死
灰心切生秋榛皇圖跨四海百姓拖一作施長紳
光明霽不發腰龜徒甃銀吾將謀禮樂
聲調摩清新欲使十千歲

帝道如飛神華實自蒼老流采一作來長傾湓沒沒暗齧舌
涕血不敢論今將下東道祭酒而別秦六郡無勦兒長
刀誰拭塵地理陽無正快馬逐服轅二子美年少調道
講一作講道調清渾譏笑斷冬夜家庭疎篠穿曙風起四方秋
月當東懸賦詩面投擲悲哉不遇人此別定霑臆越布
先裁巾

夫

目當東懸

知... 此... 此... 此...

論

... 此... 此... 此...

... 此... 此... 此...

... 此... 此... 此...

... 此... 此... 此...

全唐詩

李賀

南園

方領蕙帶折角巾杜若已老蘭苕春南山削秀藍玉合

小雨歸去飛涼雲熟杏暖香梨葉老草梢一作竹柵鑲池

痕一作清鄭公鄉老開酒尊坐汎楚秦一作酒吟招魂

假龍吟歌

石軋銅杯吟詠枯瘁蒼鷹一作擺血白鳳下肺桂子自落

雲弄車蓋木死沙崩惡谿島阿母得仙今不老一作中跳

汰截清涎隈孺臥水埋金爪崖蹬蒼苔一作弔石髮江君

掩帳篋簾折蓮花去國一千年雨後聞腥僧帶鐵一作島丈

感諷六首

人間春蕩蕩，帳暖香揚揚。
飛光染幽紅，誇嬌來洞房。
舞席泥金蛇，桐竹羅花牀。
眼逐春暝醉，粉隨淚色黃。
王子下馬來，曲沼鳴鴛鴦。
焉知腸車轉，一夕巡九方。

苦風吹朔寒，沙驚秦木折。
舞影逐空天，畫鼓餘清節。
蜀書秋信斷，黑水朝波咽。
嬌魂從回風，死處懸鄉月。

雜雜胡馬塵，森森邊士戟。
天教胡馬戰，曉雲皆血色。
婦人攜漢卒，箭箠囊巾幘。
不慙金印重，踉蹌腰鞬力。
恂恂鄉門老，昨夜試鋒鏑。
走馬遣書勳，誰能分粉墨。

青門一作烏又作馬放彈去，馬色連空郊。
何年帝家物，玉裝鞍上

搖去去。走犬歸來來，坐烹羔千金。
不了饌格一作肉稱盤。

蕭
臘試問誰家子乃老一作云能佩刀西山白蓋下賢儻寒蕭

曉菊泣一作泣寒露似悲團扇風秋涼經漢殿班子泣衰紅

本無辭輦意豈見入空宮腰袂珮珠斷灰蝶生陰松

蝶一作蜂飛紅粉臺柳掃吹笙道十日懸戶庭九秋無衰一作素

草調歌送風轉杯池白魚小水宴截香腴菱科映青葢

羊蒙一作草梨花滿春昏弄長嘯一作笑唯愁苦花落不悟世衰

到撫舊唯銷一作傷魂南山坐悲峭一作嘯

莫愁曲

草生龍坡下鷓噪城堞頭何人此城裏城角栽石榴青
絲繫五馬黃金絡雙牛白魚駕蓮船夜作十里遊歸來

無人識暗上沈香樓羅牀倚瑤瑟殘月傾簾鉤今日權

花落明朝桐樹秋莫一作若負平生意何名何一作作莫愁

夜來樂

紅羅複帳金流一作塗蘇華燈九枝懸鯉魚麗人映月開銅

鋪春水滴酒猩猩沽一本有價字重一篋香十株赤金瓜子兼

雜麩五絲封青鳧一作五色絲封青鳧一作五色絲封青玉鳧阿侯此笑千萬餘南

軒漢轉簾影疎桐林啞啞挾子烏劒崖鞭節青石珠白

駟吹湍凝霜鬚漏長送珮承明一作胡廬倡樓差莪明月孤

新客下馬故客去綠蟬秀黛重拂梳

朝雪

昨日發葱嶺今朝下蘭渚喜從千里來亂笑含春語一作兩

龍沙溼漢旗鳳扇迎秦素久別遼城鶴毛衣已應故

春懷引

芳蹊密影成花洞柳結濃煙花一作帶重蟾蜍碾玉挂一作

明弓捍撥裝金打仙鳳寶枕垂雲選春夢鈿合碧寒龍

腦凍阿侯繫錦覓周郎憑仗東風好相送

白虎行

火烏日暗崩騰雲秦皇虎視蒼生羣燒書滅國無暇日

鑄劍佩玦一作將軍玉壇設醮思冲天一世二世當萬

年燒丹未得不死藥拏舟海上尋神仙鯨魚張鬣海波

沸耕人半作征人鬼雄豪氣猛如燄一作無人為決

天河水誰最苦兮誰最苦報人義士深相許漸離擊筑

荆卿歌荆卿把酒燕丹語劔如霜兮膽一作腸如鐵出燕城
今望秦月天授秦封祚未移一作終袞龍衣點荆卿血朱旗
卓地白虎死漢皇知一作却是真天子

有所思

去年陌上歌離曲今日君書遠遊蜀簾外花開二月風
臺前淚滴千行竹琴心與妾腸此夜斷還續想君白馬
懸雕弓世間何處無春風君心未肯鎮如石妾顏不久
如花紅夜殘高碧橫長河河上無梁空白波西風未起
悲龍梭年年織素攢雙蛾江山迢遞無休絕淚眼看燈
乍明滅自從孤館深鎖窗桂花幾度圓還缺鴟鴞向曉
鳴森木風過池塘響叢玉白日蕭條夢不成橋南更問

仙人卜

啁少年

青驄馬肥金鞍光龍腦入縷羅衫香美人狹坐飛瓊觴
貧人喚云天上郎別起高樓臨碧篠絲曳紅鱗出深沼
有時半醉百花前背把金丸落飛鳥自說生來未爲客
一身美妾過三百豈知斲地種苗一作家官稅頻催勿一作
人織長得一作積玉誇豪毅每揖閑人多意氣生來不讀
半行書只把黃金買身貴少年安得長少年海波尚變
爲桑田榮枯遞傳一作急如箭天公不一作肯於公偏莫道
韶華鎮長在髮白面皺專相待

高平縣東私路

侵侵槲葉香木花滯寒雨今夕山上秋永謝無人處石
磯遠荒澀棠實懸辛苦古者一作定幽尋呼君作私路

神仙曲

碧峰海面藏靈書上帝揀作神仙居清明一作晴時笑語聞空

虛鬪乘巨浪騎鯨魚春羅書字邀王母共讌紅樓最深
處鶴羽衝風過海遲不如却使青龍去猶疑王母不相
許垂露一作霧娃鬟更傳語

龍夜吟

鬢髮胡兒眼睛綠高樓夜靜吹橫竹一聲似向天上來
月下美人望鄉哭直排七點星藏指暗合清風調宮徵
蜀道秋深雲滿林湘江半夜龍驚起玉堂美人邊塞情

碧窗皓月愁中聽寒砧能擣百尺練粉淚凝珠滴紅線
胡兒莫作隴頭吟隔窗暗結愁人心

崑崙使者

崑崙使者無消息茂陵煙樹生愁色金盤玉露自淋漓
元氣茫茫收不得麒麟背上石文裂虬龍鱗下紅枝折
何處偏傷萬國心中天夜久高明月

漢唐姬飲酒歌

御服沾霜露天衢長綦棘金隱秋壘姿無人為帶飾玉
堂歌聲寢芳林煙樹隔雲陽臺上歌鬼哭復何益鐵劔
常一本缺光光至克威屢逼一作伏劍明秋彊梟噬母心莽厲
索人魄相看兩相泣淚下如波激寧用清酒為欲作黃

泉客

一作隔

不說玉山頽且無飲中色勉從天帝訴天上寡

沈厄無處張總帷如何望松柏妾身畫團團君魂夜寂

寂蛾眉自覺長頸粉誰憐白矜持昭陽意不月看一作南

陌

聽穎師琴歌

別浦雲歸桂花渚蜀國弦中雙鳳語芙蓉葉落秋鸞離

越王夜起遊天姥暗珮清臣敲水玉渡海蛾眉牽一作聚白

鹿誰看挾劍赴長橋誰看浸髮題春竹竺僧前立當吾

門梵宮真相睂稜尊古琴大軫長八尺嶧陽老樹非桐

孫涼館聞弦驚病客藥囊暫別龍鬚席請歌直一作笛請卿

相歌奉禮官卑復何益

謠俗

上林胡蝶小試伴漢家君

一作春

飛向南城去誤落石榴裙

脈脈花滿樹翩翩燕遶雲出門不識路羞問陌頭人

靜女春曙曲

嫩葉憐芳抱新蕊泣露枝枝滴天淚粉窗香咽積曉雲
錦堆花密藏春睡戀屏孔雀搖金尾鶯舌分明呼婢子
冰洞寒龍半匣水一隻商鸞逐煙起

少年樂

芳草落花如錦地二十長遊醉鄉裏紅纓不動白馬驕
垂柳金絲香拂水吳娥未笑花不開綠鬢聳墮蘭雲起
陸郎倚醉牽羅袂奪得寶釵金翡翠

全唐詩

劉又

劉又元和時人少任俠因酒殺人亡命會赦出更折節
 讀書能為歌詩聞韓愈接天下士步歸之作冰柱雪車
 二詩後以爭語不能下賓客因持愈金數斤去曰此諛
 墓中人得耳不若與劉君為壽遂行歸齊魯不知所終
 詩一卷

冰柱

師干久不息農為兵兮民重嗟騷然縣宇一作宇土崩水潰

碗中無熟穀糠上無桑麻王春判序百卉茁甲含葩有

客避兵奔遊僻躐履險阨至三巴貂裘蒙茸已敝縷鬢

髮蓬肥雀驚鼠伏寧違安處獨臥旅舍無好夢更堪走
風沙天人一夜剪瑛珠詰旦都成六出花南畝未盈尺
纖片亂舞空紛拏旋落旋逐朝一作晴暎化簷間冰柱若削
出交加或低或昂小大瑩潔隨勢無等差始疑玉龍下
界來人世齊向茅簷布爪牙又疑漢高帝西方未一作未斬
蛇人不識誰爲當風杖一作杖莫邪鏗鏘一作鏗冰有韻的皪玉
無瑕不爲四時雨徒然道路成泥粗不爲九江浪徒爲
汨沒天之涯不爲雙井水滿甌泛泛烹春茶不爲中山
漿清新馥一作撲鼻盈百車不爲池與沼養魚種芰成霏霏
不爲醴泉與甘露使名異瑞世俗誇特稟朝澈氣潔然
自許靡間其邇遐森然氣結一千里滴瀝聲沈十萬家

明也雖小暗之大不可遮勿一作物被曲瓦直下不能抑羣
邪奈一作抑何時逼不得時在我目中倏然漂去無餘步自
是成毀任天理天於此物豈宜有忒賒反令井蛙壁蟲
變容易昔人縮首競呀呀我願天子回造化藏之韞櫝
翫之生光華

雪車

臘令凝締三十日續紛密雪一復一孰云潤澤在枯荻
闌闌餓民凍欲死死中猶被豺狼食官車初還城壘未
完備人家千里無煙火一作變雞犬何太怨天不卹吾眚如
何連夜瑤花亂皎潔既同君子節沾濡多著小人面寒
鑱侯門見客稀色迷塞路行商斷小小細細如塵間輕

輕緩緩成樸欵

一作樸欵

官家不知民餒

一作凍

寒盡驅牛車盈道

載屑玉載載欲何之祕藏深宮以禦炎酷徒能自衛九

重間豈信車轍血點點盡是農夫哭刀兵殘喪後滿野

誰爲載白骨遠戍久乏糧太倉誰爲運紅粟戎夫尚逆

命菴箱鹿角誰爲敵士夫困征討買花載酒誰爲適天

子端然少旁求股肱耳目皆姦慝依違用事佞上方猶

驅餓民運造化防暑阨吾聞躬耕南畝舜之聖爲民吞

蝗唐之德未聞攄孽苦蒼生相羣相黨上下爲蠱賊廟

堂食祿不自慙我爲斯民歎息還歎息

修養

損神終日談虛空不必一作榮歸命于胎中我神不西亦不

東煙收雲散何濛濛嘗令體如微一作微風綿綿不斷道
自沖世人逢一不逢一作一回存想一回出只知一切望
一切不覺一日損一日勸君修真復識真一作世上道人
多件一作人披圖醮錄益亂神此法那能堅此身心田自
有靈地珍惜哉自有不自親明真汨沒隨埃塵

勿執古寄韓潮州

古人皆執古不辭凍餓悲今人亦執古自取行坐危老
菊凌霜飽獐松抱雪姿武王亦至明寧哀首陽飢仲尼
豈非聖但爲互鄉強寸心生萬路今古若絲逐逐行
不盡茫茫休者誰來恨不可過去悔何足追玉石共笑
唾駑驥相奔馳請君勿執古執古徒自贖

荅孟東野

酸寒孟夫子苦愛老又詩生澀有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之
何可罵東野何可欺文王已云沒誰顧好爵廢生死守
一丘寧計飽與飢萬事付杯酒從人笑狂癡

自古無長生勸姚合酒

一本作勸
楊龜酒

奉子一杯酒為子照顏色但願腮上紅莫管頰下白自
古無長生生者何戚戚登山勿厭高四望都無極丘隴
逐日多天地為我窄祇見李耳書對之一作空脈脈何曾
見天上著得劉安宅若問一作長生人昭昭孔丘一作籍

東野外獨飲

盡欲調太羹自古無好手所以山中人兀兀但飲酒

作詩

作詩無知音作不如不作未逢賡載人此道終一作長寂寞

有虞今已歿一作矣來者誰為託朗詠豁心膺筆與淚俱落

天津橋

洛陽宮闕照天地四面山川無毒氣誰令漢祖都秦關

從此姦雄轉相熾

嘲荊卿

白虹千里氣血頸一劍義報恩不到頭徒作輕生士

代牛言

渴飲潁水流餓喘吳門月黃金如可種我力終不竭一作歌

莫問卜人生吉凶皆自速伏羲文王若無死今人不爲
古人哭

觀八駿圖

穆王八駿走不歇海外去尋長日月五雲望斷阿母宮
歸來落得新白髮

經戰地

殺氣不上天陰風吹雨血冤冤不入地
命固有常此地何天折

野哭

棘針生獐義路閑野泉相弔聲潺潺哀哉異教溺頽俗

淳源一去何時還

古怨

君莫嫌醜婦醜婦死守貞山頭一怪石長作望夫名鳥
有並翼飛獸有比肩行丈夫不立義豈如鳥獸情

烈士作詠

烈士一作女或不一作愛金愛金不為貧義死天一作人亦許利生鬼
亦嗔胡為輕薄兒使酒殺平人

狂夫

大妻唱舜歌小妻鼓湘瑟狂夫遊冶歸端坐仍作色不
讀關雎篇安知后妃德

餓詠

文王久不出賢士如土賤妻孥從餓死敢愛黃金篆

自問

自問彭城子何人授汝顛酒腸寬似海詩膽大於天斷
劍徒勞匣枯琴無復弦相逢不多一作合賴是向林泉一作

賴手響
秋泉

入蜀

望空問真宰此路爲誰開峽色侵天去江聲滾地來孔
明深有意鍾會亦何才信此非人事悲歌付一杯

塞上逢盧全

直到桑乾北逢君夜不眠上樓腰脚健懷土眼睛穿斗
柄寒垂地河流一作凍徹天一作羈羸泣相向何事有詩

篇

偶書

日出扶桑一文高人間萬事細如毛野夫怒見不平處

一作事磨損一作盡曾中萬古刀

愛碣山石

碣石何青青挽我雙眼睛愛爾多古峭不到人間行

與孟東野

寒衣草木皮飢飯葵藿作食草木根不為孟夫子豈識市井門

姚秀才愛予小劍因贈

一條古時一作萬古水向我手心一作解流臨行瀉一作贈君勿薄一作

報又作細碎讐